

Ms. 1012

1

مكتبة
الشيخ
عبد
الرحمن
بن
عبد
المنعم

فارس العلوم والمخالف

TDV İSAM
Kütüphanesi Arşivi
No 2E. 839

في ١٢ ربيع الاول ١٢٨٧

سجاولي

علوم غزوة من سجاولي

اولاده، علية، اوله ان 25 (دامله)

نور العبد يا سيدي



FDV ISAM
Kütüphanesi Arşivi
No 24.899

﴿آ﴾

همزه ممدوده . عربی ده برنجی حرف همزه در . همزه الف متحرک در الف ایله همزه نیک فرقی وار الف حروف سبعة زینفه دن (تخذضظغلا) لایی چکن ساکن اولوب فقط لاحق اولدیغی حرفک قححه ثقیله سنه علامت در حروف هجاء دن یکریمی سکن بجی حرف در لام الف (لا) تسمیه اولنور اما مراد الف ساکن اولوب اولنده کی لام (ل) بحر د الف ساکنه نیک علامت اولدیغی قوت صدایی اداء ایچون یازیلور و تلفظ اولنور یوقسه لام (ل) حرفی یوقاروی حروف ایچنده کچمشدر .
دنیاده اوچ لسان وار که آنلرده الف موجود در ۱ عربی . الف یکریمی سکن بجی حرف در لام ایله ضبط اولمشدر (لا) ۲ حبشی . الف اون اوچجی حرف در کذا لام ایله (لا) ۳ زینق . الف اونجی حرف در کذا (لا) بونلر دن بشقه لسانلرده الف مخصوص اولمایوب آنجق برنجی حرف وار که اوله داخل ایسه همزه ممدوده سسی و یردیرر و لاحق ایسه الف ساکنه اولور . (همزه مقوجه فصلنده الف کله سنه مراجعت)

آ ترکیه صوت تعجب . قادیلرک «آبو» کله سسی بومقوله دن اولوق کرک که (آ) عجائب (بو) بو بویله می یاخود بو بویله اولورمی کی بر تقدیرده . بعضا صوت زجر در اکثریا صیاتی منع ایچون زجر اداسیله آ دیرلر . عربی ده دوه سورسینه مخصوص صوت زجر اولدیغی کی بعضا ذیروح و بی روح اشیا دن مسموع صوتی حکایه اولور
آ فارسی ده اصلی آی یا کی چاغرش و دعوت ایدش در
آ لسان برهمه و یونان ولاتین ده اکثر کله ل اولنه داخل اولور

ادات سلب در مثلا «آته» کله سسی یونانی دن مأخوذ بی اله یعنی اللهم ایناغز دهری دیمک

آ . فن صیدلده مسوات اجزایه اشارت در مثلا طیبب اجزاجی به یازدیغی رچته ده ای یاخود à à یازسه «هر جوهر دن مقدار مساوی» دیمک فرانسز سکلری اوزرنده A حرفی کوریلور «ضرب فی پارس» مراد در . یولیچه اوراق اوشته یازیلان یاکن . A قبولنه اشارت و A.P پروتستویه یعنی عدم قبولنه نشان در .

﴿آ﴾

کله فی الاصل اسکی جرمان لساننده ماء معناسنه اولغله بعض انهاره علم اولمشدر حالا روسیه ده آنهری واندان نام قصبه بی اسقاء ایدن دره در که ۲۳۰ کیلومتر مسافه قطع ایتدکن صکره ریغه کورفزینه دو کیلور فرانسده آنهری سنت او مردن کچن دره در که غراولن ده مانس دکزینه منصب اولور جریان ایتدیکی مسافه ۴۸ کیلومتر در .
اسویچره ده وهولاند و کذا پروسیاده آ اسمنده کوچک کوچک درهل چوقدر

آ نهر معناسنی اشعار ایچون خیلی اسامی آخرینه الحاق اولمشدر مثلا بولدر - آ تره در - آ روسیه ده نهرلر در . ذکر اولنور .
اسکی جرمان آحا کلتوس آق یاخود آخ لاتین آفا غوث آوا فرس آب شوکله لک فی الاصل اتحادی انکار اولنه مازدها تعمیق نظر اولنورسه آ ایله عربی ماء و غوثیق آوا ایله ساقسون وا وشمدی انکلیز وا - تر وکذا آ ایله فرانسزجه او (ضمه ثقیله ایله قووزنده) و ترکیه سو وشمدی صو کله لری دخی فی الاصل اتحاد ایدر (وادی کله سنه دخی مراجعت)

﴿ آب ﴾

عرب طرب فروغندن بحث حیات اصطلاحندہ جنینک مسجی مایعہ
اطلاق اولنور جنین رحم مادرده برزار ایله محاط اولوب بوزارک ایچی
سوت رنکنده برصو ایله مملودر بوضوده جنینک نازک بدنی بالق کبی
چالقامقده اولوب خارجدن عارض اوله حق تضییقات مولسده دن
محفوظدر وخارجدن بطن مادرك بر جسمله طوقوشماسی ویا شماسی کبی
عارضه ایله جنین اورسه لئمز وخصوصا بومایع طرق ولادتی تهیه ایلر

﴿ آب ﴾

صو دیدیکمز سیال شفاف که سطح ارض ده موجود بالجمله
اجسامهک اک مبذول و مبارکی در . آب قلیل بی رنگ کثیری خضرته
وزیتونی یه مائل لونده کورینور بی رایحه در و علی العموم طعمی یوق دکلیر
قطب ذوات الطعم دن معدود اولاجق درجه ده دکل . بوندن سکسان
طقسان سال اقدمه دک بسیط و عنصر ظن اولمشدی .

تالیس دیمشیدی که هیولای موجودات عنصر ماعدراون یدنجی قرن
میلادی ابتداسنده اوروپانک اکابر فلاسفه سندن اولوب فرانسه دولتی
طرفندن مصرده قونسولوس ایکن لسان وعادات عربیه بی تدریس ایده ایده
عرب کبی اولان موسیو « بونوا » تالیسک میلاددن التی یوز سال اقدم
سویلش اولدیغی قول کهنه بی تجدید ایتدی ظن ایدر که جمله موجودات
بطن بچردن چیقمش یعنی صودن پیدا اولش اولوب تحولات متوالیه
ایله قالبدر دیکشه دیکشه شمیدیکی صورتلرینی بولش اوله . مشهور طبیعی
« لامارک » دخی بویله زعم ایدر . (اسامیء مرقومانه مراجعت)

۱۷۸۳ تاریخ میلادی ده نیسلی « قواندیش » وپارسل « لاووعازیر »
صویک بسیط اولمایوب ایکی جزء دن مرکب اولدیغنی اثبات ایتدیله
وجز لردن برئی طبیعتده اصل الحامض اولدیغندن بومعنایه دال اوقسچین

﴿ آء ﴾

عربی ۱۰ ارض نجده مخصوص سرح نام شجرک اوزومه بکرر
وصاری رنکلی میثی . اکل اولنور لیدندر . ادویه یه دخی قاتارلر وانکله
دری دیباغت ایدر لر عربی ده بومیوه ایله دباغته اوه دیرلر واجوف
واوی کبی تصریف ایدوب مثلا ماضیء متکلمده اوعت (قلت کبی)
واسم مفعولده یعنی سرح نام شجرک آء دینلان ثمریله دباغت اولمش
دری معناسنده مووء دینور (مقول کبی) (سرح کله سنه مراجعت)

﴿ آب ﴾

عبرانی ده شهر قریه دن اون برنجی ماهک اسمی در اشبو ۵۶۳۰ سنه
عبرانیه سنک آب شهری ۲۹ ربیع الاخر سنه ۱۲۸۷ جعه کونی بدأ ایده جکدر
اوتوز کون . حالاسریانی لر آب دیرلر بوماه اغستوس دیدیکمز ایسه ده
انجق ایکی فرق ایله بری عبرانی و سریانی اغستوس یعنی آب قریه اولوب
دیگر لرک اغستوس دیدکلری شمسیه در ایکنجسی عبرانی ده ابتدای سنه
تسری دیدکلری تشرین اول اولدیغندن اغستوس اون برنجی آی در
فرنگی ده اغستوس سکزنجی ماه زیرا ابتدای سال کانون تانی در تاریخ
رومی ده یعنی اسکی رومالیلر حسابنده وحالا باب عالی و روسیه اعتبار لرنده
اغستوس التجی ای در

﴿ آب ﴾

کیما اصطلاحندہ جیوهیه اطلاق اولنور کیما کران جیوهیه
۳۲ اسم ویرمشرایدی که شونلردر آب آبک سیماب آبق
فرار ابوالارواح اصل ام الاجساد پرنده تیر ناقب
جوهر (جیوه) ژیوه زیبق حل الذهب حی الماء روح روحانی
رجراج زاووق زعزم ستاره سحاب النور طیار
عبد عطارد عین الحیوان غیبط غبان کر پرنده
لبن لجاج

ودیکر اصل الماء اولد یغندن هیدروجن کلمات یونانیه سیله تسمیه قلندی اورو باکیا کرری اصل صوبی بالتخلیل یوزده ۱۱۱۱ اوقسچین و ۸۸۸۹ هیدروجن بولدیار . (بولکله مر اجعت)

صو فی الطبیعة جامد و سیال و غاز شکلارنده کورلنکده در جامد شکلی بوز طولو قار . سیال میاه بحر و نهر و غدیر . غاز صورتی هواءده اولوب تحولات امرجه هواء یا خود تضییقات ایله قار و یا غور و دیگر صورتلری قابل بخار .

مزاج هواء منقسم مائه (سانتیگراد) مقیاس حرارت ایله ۴۱۰۰ ایکن مکعبا عشر متر ماء مقطرک ثقلتی برایتیه اولوب مقیاس اشاعی یوقاری اولدجه ثقلت مختلفدر (آب مقطر کله سنه مر اجعت) بوز صودن خفیفدر آنکچون صوبه باطماز . مقیاس مز بور ایله ۱۰۰ حرارتده وعادی تضییق هوائی تختنده صونخلیان ایدر و سرعتله تبخیر ایلر (تضییق کله سنه مر اجعت)

بالجمله آب طبیعی ده ایچنده تعیش ایدن حیواناته لابد اولان هواء موجوددر بو هواء تسمیه **علاء الموم** هوائی نسیمی دن زیاده صالح در . صو طبیعی اوله رق خالص بولماز ایچنده البته اجزاء اجنبیه وار

عامه نك معلومی بر مسئله در که صابونی جابق کویورتان و سبزه پی ایویشوران صو شربه صالح در . تخلیل اولمش آب خالص شربه اصلح دکل در . هر حالده ایچمه الویرشلی و خوش اولان صو بر مقدار مناسب طوزی خصوصاً هواپی حاوی اولان صودر .

چامور ایله یا خود ایچنده مواد حیوانیه انحلالیله بوزلمش وقوقش اولان صو کوردن سوزیله رکه تصفیه اولنور یعنی کور سوزکدن کچمکله معده قبولنه صالح اولور .

صویک اکثر منافعیه هر کسه معلوم در . صویک خادم حیات اولدیغی علم بحث حیاتده اصولدن در (مر اجعت) هله فن تدبیر منزلده

TÜRKİYE
Kütüphanesi Arşivi
No: 28.899

و صنایعده منافعیه بی شماردر جامد شکلنده ایکن مبردر تبریدک نیجه صنایع احداثته باعث اولدیغی تعریفدن مستغنی در سیال ایکن اجسامی سوق ایدر و تخلیل ایلر بخار حالنده اجسامی تحریک ایدر واپورلر و ماکنهلر اشته بو تحریک آتارندن در .

صویک داخلدن و خارجدن استعمالی نیجه امر اضه دواء در حتی ۱۸۲۸ سال میلادیدن برونمچهده یالکر صوابله مداوات طب مخصوص اولوب آوستریاده (غرافنبرج) و پروسیاده و فرانسهده بو طریق اوزره متعدد طب علمی مکتبلی تشکیل اولمشدر . صغوق صو جاملری و مشوع اختلاللر بو علمی دن مستفاددر (طب . مداوات بالماء بخنارینه)

فقه اسلامی ده صویک احکامی واردر (طهارت . ماء . ماده لرینه مر اجعت) ماء مطلق ماء مقید و میاه کبی عربی اسمله اصطلاح اولان صوری میم حرفنه بر اقوب بورده آب کله سنه اضافه اسکی ویکی بعض صوری و بعض اسامی پی ذکر ایدلم

آب افریقیان * آب فرس آب قبط آب چین آب غرق آب مکسیقیان دخی دیلر . صاچ صوبی در که بر برل صاری یا بیاض صاچی سیاهلاق ایچون قوللانورلر . مضرشی در استعمالندن حذر اولنه چونکه بو صوملح فضه منجلی در بو ملحی کوشی خالص تیزاب ایچنده حل ایدوب آلورلر دیمک که بو صو تیزاب ایله کوش یاسندن عبارت در صاچلری فنا ایدمه چکنندن بشقه باش در یسنگ نسیمی دخی بوزار .

آب آرمانیاق * باش صولندن در بر آدمک مثلاً دپه سی اوزرینه دو شمکله یا دیگر سیله باشی ظاهر دن زده نسه آرمانیاق صویله اوغازلر غاسقونیا ده آرمانیاق مملکته نسبت اولنور . اعمالی جوز بوا قرنفل

دارچین نارچچکی یعنی بوناری بزم کیا کر لک کل و شمیدی لک اکثریا شراب روحی دید کلریله انیقندن تقطیر ایدرر حاصل اولان آب مقطر اشته آب آرمانیاق دید کلری در .

TDV İSAM
Kütüphanesi Arşivi
No 38899

آب اثیری و کافوری * بر درهم کافوری ۳ درهم لقمان روخنده حل ایدوب ۵۶ درهم صویه قارشیدر لر

آب التیام * طب قدما ده یاره او کولدیجی صو اطبای متقدمین بعض اوتلرده یاره لره مرهمک خاصه سنک وجودنه قائل اولدقلرندن بو بولده اوتلردن میاه استخراج وترتیب ایتشلردی ازان جله آب سویس واسویچره چایی دینلان صوکه آلب طاغلرنده حاصل پرلو لساننده (آلمان) فالطرائق دینلان عطر اوتندن استحصال اولنور فالطرائق ککل ده نفاعه سندن عبارتدر شمیدی بویله صولر استعمالی یوقدر

آب انجماد * طوز و دیگر طوکوب بلورلنان اجسامده کی ماء خفی بو صو او مثلاً جسمک اجزاء ذاتیه سندن دکلدر یعنی جسمک وجودینه لابد جزء دکلدر مثلاً طوز آب انجمادی ضایع اولسه ینه طوزدر . بعض جسمدن عادتاً حرارت ایله و اکثر اجسامدن یوزدرجه حرارتله ضایع اولور (انجماد ماده سنه)

آب اوقسینجی * صوایله اوقسینجی دن بر ترکیب متناسب آثار عجیبه سی واردر . مواد حیوانیه بی بوزار چوریدر . اسکی کهنه رسملری بو صو واسطه سیله تجدید ایده ییلورر حتی اسکی یاغلی بو یا لوخه لری بیله بونکله تازه لنور یکی یا بلیش ظن اولنور فریق اولنماز . بو صویک طبابت ده حسب الایجاب الیاف و اخلاطی تهیج ایجون استعمال اولنماسنه دائر

اوروپا اطبایی پیننده تصورلورار . بو بریکی صودر . باریطه نام معدنده کشف اولمش و باریطوم تسمیه قلمش اولان معدن بسیطک حض اخیرنی حامض قلوئی اخیره حل ایتکله استحصال اولنور فی ۱۸۱۸ میلادی تئارد نام کیمیا کر بولشدر . بو صوده لون و رایحه یوق . چوقه استعمال اولندقدنه یعنی متعدد اجسامه قناسی حالنده اوقسینجندن قورتیلوب مادی صو اولیورر .

آب بادرنک * ملیساصوی اوغول اوقی صوی مصلح معده و ملثم جریحه خصوصاً آفات عصبیه یه پک مفیددر کیفیت اعمالی بزده اوغول اوقی یا پراغنی تازه ایکن تقطیر ایدوب صوینی شکر شر بیله ایچر لر قورسی دخی قاینادیلوب ایچیلورسه ده خاصه تازه سنده در اوروپا ده اوغول اوقی صوی دید کلری شو یله اعمال اولنور مثلا ۸ درهم اوغول اوقی روحی و بر درهم دارچین روحی و ببری و ککیک و ۲ درهم جوز بوا و کشنش روحلری و بر درهم تازه آیسون و کویکواوقی و زوفا و تیش اوقی و سنبل ختایی و قرنفل روحلری و ۱ درهم لیمون قوغی روحی اشته آوروپا ده آب بادرنک بو ارواحک تناسب مذکور اوزره ترکیبندن عبارت

آب باران * افغانستان ده کابل مضاهاتندن سه یاران کبی و اونا حیه ده مشهور سیرگه اسمی در

پیت

اگرچه جای خوش کابل آب باران است

بهشت روی زمین خواجه سه یاران است

آب برک * اسرپی که قورشونی دیدیکمزنک (رنک کله سنه)

آب برین * یار ایرماق کنارلرنده صواویوقاری

آب بن * سوادالحکام جوز صمغی کهنه و قوف جوز
اغاچلرینک کوکلرنده حاصل صمغ کبی مایع لزج
آب بوطوط * اینسون قرنفل دارچین دن مقطر نفوع درکه عنبر
نقاعه سیله معطر قیلوب تیش صوی اولوق اوزره آغز یالقارار . موجدی
اولان قرن سابقده مشهور تیشجی بوطوط نام ذاته مضاف در . غرغه
ایچون دکلدیرالکن داخل و جنهده آغز یالقماق ایچون در
آب ییکران * اختر و کوب (مراجعت)

آب تبرستان * طبرستانده برطاغده معروف بر چشمه روان اسمی در
منلارده مشهور درکه او چشمه یه بر آدم سس و پرسه کسیلور او آدم
اورادن دفع اولنجه آقاز

آب تبریه * اردن ده طبریه قصبه سنده مشهور بر چشمه یه دیرلر
منلارده دینور که بو چشمه یدی سال اقاریدی سال قورر فی الواقع
چوق چشمه لر و چوق ییکار لر معاومدر که مدت معلومه آقار صکره
کسیلور اکثر یسنگ جریان و انقطاعی اوقات معینهده در بونک سببی
طاغلوده برطاق قدرت کویلی و اردر که یاغور لر بو کویلرده ایلیکیلور
وصوکوپ دیندن یول بولوب یرالتدن جریان ایدرده مثلا اووهنگ
بر طرفندن یا طالر خلق او محلی ییکار عدایدوب و گاه چشمه بناء ایدوب
مدت معلومهده صواکولر که اومدت کویله کی صویک مدت کفایتدن
عبارتدر نه صنعت درکه قیش یاغور لرینی کویلرده صاقلایوب ایام
صیفده صوسنزاووالر خلقنه صوویرر اشته بو اول قدرت درکه
دکزلردن اجزاء مائیهی هوایه جذب ایدوب صوسن بریهده کی

اغاچلرک ایاقلرینه روزکار ایله تقدیم ایدر

آب تسکین * طبده مسکن و جمع واضطراب حد اوئانان ادویه
صنعتدن در خارچدن ملین و محلل و داخلدن دافع عنونت کبی استعمال
اولنور نوشادر و کل کافوری و طوزلی صوی ترکیدن عبارتدر

تیزاب * آب تیز آب ملک المعادن دیدکلی که اصطلاح
کیما کرانده ملک المعادن تسمیه قلئان آلتونی تحلیل خاصه سفی جائز
تیزاب در (کزاب) آلتونی تحلیل ایچون تیزابی عرب کیما کرلی اختراع
ایتدیکی شهبه سزدر فقط کیم اختراع ایتدی دیند کهه بودخی جابر نامنه
اسناد اولمقددر ترکیبی تیزاب خالص دینلان حامض اخیر کهرچله یی
طوز روحی (آسید قنور هیدریق ، روح ملح داخن) ایله مزج ایلیکن
صبارت شمیدیکی اهل کیما بروجه مذکور طوز روحی قوللا نورلر
اسکی کیما کران تیزاب خالصه صوقا تقدن صکره (تیزاب ممزوج)
بزمقداره ربعی قدر ملح نوشادر علاوه سیله استعمال ایدر لر دی اهل فنه
خفی دکلدیر که اوروی یالیرک قوللا تدری روح ملح داخن و عربلرک استعمال
ایلدکلی ملح نوشادر و کذا ملح بحری هپ بر قوت و تأثیرده در بو تیزاب
فن کیماده قیملی بر محلل در آلتون ویلاتین ویلالادیوم (کشف جدید
معدن سفید) که تأثیر حوامضه مقاومت ایلمر معادن در تیزاب ایله حل
اولنور تیزاب ایله حل اوئانان معدن ملح قلوره منقلب اولور

تیزاب ممزوج * ایچنه صومزج اولمش تیزاب خالصدن عبارتدر
اکثریت اوزره ۲۶ درجهده اولور آلتون هیارینی اکلامق و جوهر قیمنی
سنگ محکده امتحان ایتمک ایچون قیومحی لر قوللا نورلر باقروبوکی
حک اوحدلری اوزرنده رسملر ییدرمک ایچون حکا کلردخی استعمال ایدر لر

آب ثانیه * تیزاب در درجه ثانیه بواسطه یکی صوم معروف در (۱) قیومچی تیزابی که خالص تیزاب دینلان حامض اخیر کهر جله یه صومز جله درجه ثانیه یه دک ضعیفلا دلمش در (۲) نقاش آب ثانیه سی قلیه کولنک صوی در نقاشریاغلی نقشاری سیلک و تطهیر ایلک ایچون استعمال ایدر لر

TDV İSÂM
Kütüphanesi Arşivi
No 28.889

آب چرا * قهوه التي . کونده اوچ کره اکل وار که قهوه التي قوشلق ییمک تسمیه اولنور بزده و دنیا تک هر طرفنده زمان قدیم ده و حالیا بویله در مثلا اسکی النوزده آرسطون (قهوه التي) دوریون (قوشلق) دینون (ییمک) واسکی رومی لرده جتنا کلم پراندیوم سنا موجود ایدی که ییمک آغر قوشلق آندن خفیف و قهوه آتی دهها خفیف حاصلی بزده کی کبی ایدی رومیلرک صوک و قتلرنده بزم بعض محللرده موجود یسولق کبی قومسازبو علاوه اولمشیدی حالیا اورویاده دخی اوچ در لکن موافقه و ازمنه یه کوره اوقات طعام مختلفدر اسلامده شوفضیلت واردر که طلوع شمسدن اقدم قهوه التي ایدر لر بونک صحت و کارجه منافی مسلمدر بوفضیلت باعث ایسه صباح نمازینه قیام فرضیتی در اوزرینه کونش طوغدر میان و طلوعدن اقدم قهوه التي ایدن قوی البینه و درست فکر و معبر اولور ممالک اسلامیه ده شوفضیلت دخی واردر که اکثر عادات ده اولساد یغی کبی قهوه آتی و قوشلق و ییمک و قتلرنده دخی موده و کبار مقلد لکی یوقدر حتی پادشاه قنغی ساعت ده قهوه التي ایدر مش تقلید دکل کیسه ارایوب صورماز فرانسه ده برنجی فرانسوا وقتنده زوالدن اوچ ساعت مقدم قوشلق و زوالدن صکره ساعت بش ده ییمک بیرلردی اون در دنجی لوی زمانده ییمک تام وقت زوالده ییمک موده اولدی شمدی لرده تیاتر اولور و قهوه خانه لر واکلنجه پرلری کیجه وقتیه او یومق قضیه صحیه سنی ترک ایتدیرمکله صباحلاین قالقان بولنماد یغندن اسکیلرک

قوشلغی شمذیکیلرک قهوه التي وقتی اولش (طعام و ییمک ماده لرینه)

آب حیات * اسلام و فرنگ اصطلاحلرنده مختلف معنار له در اسلام اصطلاحنده آب حیات آب حیوان آب حیات آب خضر (آبدستان علمانی شمس اللغات) هپ بردر شوکه مثلرده ظلمات ده بر چشمه موهومه اولوب آندن ایچن طول حیات صاحبی اولور خضر و الیاسه شربی نصیب اولدیغندن الی یوم القیامه حی ایشار صحیحی متصوفه اصطلاحا تندن اولوب علم لدنی معناسنده اطلاق و بویاده خضر کبی بسط قلب دن کنایه اولق اوزره امثال تصویر ایدر لر کمال اصفهانی

در کلاک توسر غیب مضمر در لفظ تو آب خضر مدغم

وگاه عشق الهی دن کنایه اولور شعراء اصطلاحنده دهن معشوق دن کنایه در و بعضا نطق معشوق مراد اولنور فرنگ اصطلاحنده آب حیات مسکرات دن عرق در ساقز راقی سی و قویاق راقی سی و دیگر انواعی واردر (عرق کله سنه)

آبخست * آبخوست آبخو شول آطه که صوباصمش ایچنده تعیش ممکن دکل

آب خور * تدبیر حیوانات اصطلاحا تندن . صویوره سی عربی ده عطن و هندی ده کهان دیر لر شول صویوبی که اوراده مواشی ونعم یعنی اهلی حیوان یتاقلری اوله

آب خورشید * قدمای شمسپرستان اصطلاحنده حیات دیمکدر که تجلی روحی فیض شمسدن عبارت زعم ایتدکلرندن حیاته

آب خیز *

(طوفان کله سنه)

آب دار * نباتات . براوت اسمی در که خرما لینی صنفیدن

آب دریا * دگر صوبی . لذتی طوزلی و براز آجی و معده بولاندیری
رایحه سی مخصوصا سواحلده کریه . براز لزوجتی دخی وار دگر
صوبی تحلیل اولنسه املاح کثیره تفریق اولنور قلورر ککبریت
قلیه مغزیا (لبان العذراء) کلس و جزئی بروم طوزلری یواملاح
یوزده اوچدن درده قدر اختلاف اوزده بولنور بحر سفید سواحل
شمالیه سننده حرارت هواء ایله تبخر طبیعی دن ملح آیریلور قالور
بو طوزه ملح بحری تسمیه قنور ملح قنوری و صودیوم دخی دیرلر دگر
صوینک ثقلتی من ۱۰۲۵ الی ۱۰۳۰ سواحل ده ثقلتی و املاحی اورطه لره
نسبتله چوچه در ۱۶ قرن میلادی ده حکمت طبیعییه علماسندن
یورطانام ذات میاه بحری تقطیر ایله شربه صالح قیلمتی چاره سنی
ولشیدی شمعی یه دک اورویا علماسی الات تقطیری اصلاح ایده ایده
امر مزبوری تسهیل ایلدیلر واقعا تقطیر عقینده طاسن اولور
فقط اون بش یکریمی کون تماس هوا یه براقلدقه عادتا صوچشینیسنده اولور

آبدست * (۱) نقاش و مصور اصطلاحنده رونق و طراوت

نقش مناسبه در

نظامی

بنقاشی زمان را مرده داده

چنان در لطف بودش آبدستی

که بر آب از لطافت نقش بست

(۲) ادیان اصطلاحنده وقت مخصوصده تطهر معنوی دن عبارت
شرط عبادتدر فقط اسلام دیننه مخصوص در که آبدست سائر
ادیان ده کی معنوی تطهر زعمندن عبارت اولمایوب ظاهرا دخی
اعضای ظاهره یی تطهیر ایدر وطب اقتضا سنجه ممالک حاره ده حفظ
صحته نافع و علل ساریه نك تجاوزنی دافع در اشته بورادن اسلام آبدستك
یومیه کثرت و تعددی دخی حکمتسن اولمادیغی اکلاشیلور ادیاننده طهارت
صغری یعنی آبدست عدد اولنان شیلری ذکر ایده لم

آبدست هندی ادیان قدیمه هندده آبدست وقتی کونده بر که
صبح و قبل الطلوع لکن هندده ادیانك اختلافی قدر کیفیت وضو لری
دخی مختلفدر مثلا «سوطرا» دیننده صوایله یالکز دودا قنرینی مسح
کافی «وایسیا» دیننده مضمضه بس «خاطریا» ده غرغره لازم
«براهمه» ده مبالغه ایله غرغره حتی صو کوکسه قدر ایلك فرض
هپسنه کوره آب دستلری غایج نهرندن اولوق افضل

آبدست یهود حا حاملره فرض . بونلر آبدستسن طاورایه کیرمکدن
و مراسم عبادته شروع ایلك دن نهی اولندیلر جاورا قپوسنده وضع
اولنان «بحر نحاس» تسمیه قیلدقلری یوگ تبکنه بنهم جامع شادروانی
قبیلندن آبدست الماری ایچون در یهودی دیننده آبدستك وقت
مخصوصی یوق فقط غیرطاهر عدد ایتدکلری حیوانه و کذا جذام لوو برصلو
ودیکر علل ساریه جسمیه اصحابی کسانه مس ایلدکلری وقت آبدست فرض
آبدست غرق اسکی النوز مشرکلری دیننده طعامندن اول
و صکره وضو یعنی ال ییقامق تطهیر روح زعم اولنوردی جسم
دستنی تطهیر ایچون اولدیغی ظن اولنمازدی مطرزی مغرب نام
لغتنده «هضه» کله سنه فقط ال بقامة مناسبه دخی تفسیر ایلدن

زين العرب مصايح شرحنده (اويله خاطر عاجزیده قالمش که) دوه اتی اکل
ایدن کسه یه وضوء ايله امر ایدن حدیث شریفده کی «وضوء» کله سنه
غسل ید معناسی ویرر

Kütüphanesi Arşivi

No 2E.899

آبدست روم رومالیلار استحضار ایتدکلی ماء مخصوصی
سرینک ايله تطهیر روح زعم ایدرلردی (لوسترال) ماء مخصوصلری
عادی صواولوب ایجنه موقده، نسیکه دن یئار اودون الوب طالیدی مقله
طهور و مبارک عدا ایدرلردی یا خود دکز صویندن آلوب ایجنه زیتون
ودفته ورعی الحمام بیراقلری آتارلر و یورطه دخی قاتارلردی روملر
چو جقلرینه طوغدقدن برقاچ کون صکره بوماء مبارکلرندن سر پرلرمش
آبدست قاتولک هر کلیسانک قپوسنده یا پاسک دعاء او فورمش
اولدیغی صو واردر که کلیسایه کیرن قاتولک پارماغنی اصلادوب یا شیشه
آلنه خاچ رسمی اشارت ایدر بونکله تجدید تعیمید و شرط عبادت طهارتی
تأدییه اعتقاد ایدرلر عادی صودر بعضا ایجنه طوز آتارلر بوندن
مرادلری ملح ترییه دن ککنایه اوله رق کویا حکمت نصرانیتک
ترییه سنه اشارت ایمش

آبدست مسلمان * شرط صلاة فرائض وضوء درت «یا ایها الذین
آمنوا اذا قمتم الی الصلوة فاغسلوا وجوهکم وایدیکم الی المرافق وامسحوا
برؤسکم وارجکم الی الکعبین» ۱ غسل وجه ۲ غسل یدین ۳ غسل
رجلین ۴ مسح رأس سنن وضوء اون اوچ ۱ نیت ۲ تسمیه (المنقول
من السلف فی تسمیه الوضوء بسم الله العظیم والحمد لله علی دین الاسلام)
۳ اول اللینی ییقامق ۴ مضمضه اوچ کره ۵ استنشاق کذا ۶ سواک
۷ تخلیل لیه ۸ تخلیل اصابع ۹ تثلیث غسل ۱۰ استیعاب ۱۱ مسح
اذنین ۱۲ ترتیب ۱۳ موالات

مستحبات وضوء ایکی ۱ تیامن ۲ مسح رقبة (علم مذهب ابی

حنیفه رح)

آبدستان * آبدسدان ابدست ابریق الف نسبت ون نسبی
تا کیدا ایچون ومکر وحیله معناسنه

مثنوی

من خوش کردم که آمد خوان غیب

تک بتان با آبدستان میرسنه

(2)

TDV İSAM
Kütüphanesi Arşivi
No ۳۴. ۳۳۳

آبدان * اکرک برکه غدیر
بوستان

فتد تشنه در آبدان عمیق

که داند که سیراب کردد غریق

ایکی درلو اولور بری آبدان طبیعی دیکری جعلی آبدان طبیعی
شول چقوریرلر که یاغور ایله یاخود قیناقلر ایله ویانه رک و دکرک چکمه سیله
حوضلا نور یاغور و قیناق صورینک ایبلکه سیله اولان آبدان لر
اتربه نباتیه یی و صویک سوروب کتیردیکری مواد حیوانیه مولوسلرینی
حاوی اولور بوسیدن که اهل زراعت او برکه لر دن عادتاً فاشقی کبی
استفاده ایدر لر آبدان عملی یا ییلان برکه لر که عربستان ده صو ایچمک
ایچون برکه لر و دیکر قطعه لر ده کذا صوبندلری کتیردر و بالقی اورمکه
مخصوص یا ییلان حوضلر اور و یاده منابع کسب و تجارت در شویله که
صو آلتق و بوشالتمق ایچون بندلی و طیالی حوضلر یا یوب ایچنده بالقی
بسلر لر اوره تورلر بالقی اولامق مراد اولند قده طپاسنی آچوب صوینی
بوشالتورلر استدکلری قدر بالقی آوب صا تار لر بویله حوضلر طماغ
اتکلرنده یاخود قیناق قربنده اولقی یعنی دائماً ایچنه صو آلا ییله جک
موقعده اولقی شرطدر که بالقلر صویک تجدد ییله یشایه ییلوب اوره سونلر
اویله صو بولنیمان یرلر ده حوضک دینی بالچق ساللاندرمق
پیوک چاره در

فقه ده كتاب الطهاره ده غدیر و آبدان شول ماء را كد كثير كه بر طرفی عادتاً
 آبدست حر كتيله تحريك ده طرف آخر در عقب حرکت ایتیه بو تعریفه
 كوره غدیرك مساحه سنی تقدیرده سطحی عشرانی عشر و عقی آووج ایله
 صوآندقدده دینی آچماز در جه ده اوللی دیدیلر (وهو الصحيح کافی الهدایة)
 ذراع دن مراد عادتاً التي قبضه اندازه در (كذا في التبیین) بویله غدیره
 حوض کیر تسمیه قلندی اگر حوض مدور ایسه چوره سی ۴۸ ذراع
 اولق لازم (كذا في الخلاصة) وهو الاحوط (كذا في محیط السرخسی)
 بویله غدیرك بر طرفه نجاست دوشمکله هر طرفی پنجس ایتم مکرکه
 اوصاف ثلاثه سندن بری یعنی لونی یا رایحه سی یا خود طعمی نجاستله
 تغییر ایش اوله (كذا في محیط) نجاست دوشن طرف اگر نجس مرئی
 ایسه بالاجماع توضاً جائز اولاز طرف متنجسه درت زراع مقدار
 بعددن (هكذا في الكفاية) توضاً اولنور اگر نجس غیر مرئی ایسه مشایخ
 بخارا عندنده موضع وقوعدن آبدست جائز اولور (كذا في الخلاصة)
 وهو الاصح (كذا في السراج الوهاج) بر غدیر عشرانی عشر ایکن ایچنه
 نجاست دوششده صکره صو آزالسه طاهر در (كذا في الخلاصة)
 بر غدیر متنجس اولسه صوی بوشال دیلوب قوریدیلغله طاهر اولور بو غدیره
 تانیا صو عودت ایتسه ینه طاهر در وهو الاظهر (کافی السراج الوهاج)
 بر غدیر ایچنه نجاست وقوعیله اوصاف ثلاثه سندن بری تغییر ایلد کبه
 کتاب الطهاره مقتضایچه پنجس ایدر عجا کور سوزن کچدن سوزمکله و یادیکر
 طریقله تغییر مز بور زائل ایدلسه طاهر اولور می اولمازی بو بر مسئله
 جدیده اوله ییلور بو کادائر فقهارده بر حکم یوق شوقدر که محیطده
 الماء جاری بعدما تغییر اوصافه و حکم نجاسته لایحکم بطهارته فالم یزل
 ذلك التغير» دیدی غدیر ایسه ماء جاری حکمنده اولدیغندن بر طریق ایله
 تغیری زائل اولسه آبدست جائز اولق اکلا شیلور (والله اعلم)

آبدندان * تیشه طیانماز ایصیرلدقدده صو کسلور اولان یازک
 و لطیف میوه (سامانی)

آبدست * حضرت رسالت پناه علیه صلوات الاله

آبراه * آبره جرعه قدح دینی

آبرفت * شول طاش که دائماً صو ایچنده بولغله صودو که دو که
 املس و مدور اولش اوله

آبرکناباد * شیرازده رکن آباد چشمه سی

حافظ

بده ساقی می باقی که در جنت نخواهی یافت

کنار آب رکناباد و کلکشت مصلاراً

آبروی * شرف و ناموسدن کنایه اولو اصطلاح متصوفه ده

دل سالکه وارد اولان الهام غیبی

آبریز * (۱) ابریق کله سنک اصلی (۲) دیو و شیطان

سنائی

دوستی ز آبریز چرخ بیر

زانکه او که تهی بود که پر

(۲) خلاء صویولی زجاجی

میان بسته یکسر برای کریز

نه مطبخ در آنجا ونی آبریز

آبریزان * آبریزکان آب پاشان تیرکان برعید بحوس که اوکون هر کس بر برینه آب وکلاب سرپر لر تواریخ ثلث صاحبی یازار که عهد قدیمه فارسده چندسال یاغور اولایوب قحط عظیم پیدا و لشیدی بر تیرناهک اون النجی کونی یاغوب هر کسی شادان ایلدیکندن بومسرتی تذکار ایچون روز مز بوری یوم عید عد ایلدیلر عادت جاهلیه پی لغوایدن اسلام ظهورندن صکره دخی ینه اکثر مالک فرسده بو عید قالدی

آبز * نبات حاووج

TDV ISAM
Kütüphanesi Arşivi
No 28.833

آبزخ تفنک * (آرقوبوجیو) تفنک وامثالی آلت ناریه یاره سنی اوکولتیق ایچون ظاهر دن استعمال اولنور بر صوایدی آب التیام صنفندن بو صوی آلمانیاده شوپله یاپور لر زاج یاغی درهم ۱ عسل مصفا ۳ سرکه ۶ کل یعنی شراب ۶ روحی

آب زدن * شرقده مهمانه اکرام ایچون مسافر خانه یه صوسرپ مک عادتی

آب زن * اطباتک خسته لری صوقدقلری فوجی و تکه امثالی جام بویله جام قدیم زماندن برو معلوم دراسکی فرس اطباسی عندنده طپراق دن یاباقر دن و دیگر معدندن انسان قامتده بر طرف یاپوب ایچنه سیچاق عادی یا خود علاجلی صو طولدر دقن صکره خسته پی صوقارلردی فقط بو طرفک قیاغی اولوب کچیرلده خسته نک بوغازندن یوقارویالکز باشی طشره قالوردی «آب زن خشک» دیدکلری دخی بودر شوقدر که صویه ادویه یابسه آندقلری و یادویه ایله تجیر ایتدکلری زمان بو اسمله یاد ایدر لر دی صغوق صوبانیور لینه دخی آب زن

دینه بیلور سامانی مطلقا حوض صغیر ایله شرح ایلدی

آزه * زهاب صوقایناغی

آب ساق * بیطره بار کیر خسته لغی که ایاغنه صو ایندی دیر لر امراض جلدیه دندر علامت مرض ایاغی ذریسنگ مساماتندن صاری ایرین کبی فنا قوقولی صو ترشح ایدر چوق کره آرد ایاقله عارض اولور بومرضه سبب آخورك نمناک و مر دار اولماسی در آب ساق اینک چیچکی (جدری بقری) مرضنک مولدی عد اولمقده در شوپله که بار کیره هم اینکه باقان بر خد متکار بار کیره عارض اولان ساق دیدیکمز ایرینه النی بولا شدر دقن صکره اینک دن سوت صاغار در حال اینکه بولا شور که چیچک علتی دیدکلری پیدا اولور بوکبی سبیلردن در که اینکه و بار کیره باقان خدمتکار لر بشقه بشقه اولق تدبیر حیوان فننده مسائل مقرره دن در

علاجی یکی عارض اولدیسه اولا بعض ملین ایله (مثلا صغ صوی ایله) اوغوب یومشاتدقن صکره سیچاق شراب ایله یقاملی دفع اولور اگر وقت کچمش اسکیمش ایسه شاب طوزی کبی مقوی و مضیق املاح ایله مداواته محتاجدر

آب سفید * غسل جریحه ایچون و ایجابه کوره ایچنده بزاصلادوب یاره سلیک ایچون جراحلرک استعمال ایتدکلری بدل ملح زحل محلولی بدل ملح زحل مرد سنکی قورشون طوزنده تحلیل ایله النان بیاض طوزدر بو بیاض طوزی قورشون سرکه سیله تکدیر اولمش صو ایله مزج ایدر لر که آب سفید دیدکلری بو ملح مزوجدن عبارتدر

آبسکون * (۱) استراباددن بش فرسخ بعدنده نهر خوارزمک بحر خزره مصبنده برجزیره ایدی

رودکی

گرفته روی دریا جلّه کشتیهای تو بر تو

زهر مدح خوانانت زشروان نابابسکون

سلطان محمود خوارزمشاه لشکر تاناردن فرارنده او جزیریه چکیلوب امراروقت انگشیدی بوجزیره بی مؤخرًا صوباصدی

(۲) بحر خزره دخی جزیره مز بوره اسمیله آبسکون تسمیه قنور

فرخی

توداری ازکنار کنک تادریای آبسکون

توداری ازدرکاکنج ناقصداروتلمکران

(۳) طبرستان ده برقریه درکه اورادن جمرجان اوج مرحله در

آب سماوی * ملح کبریت محلولندن عبارت درکه اجزاجی از مقدار کثیر نشادر ایله مزج ایدوب شیشه لره طولدیررلر دکانلری اوکنه وکلانه کچنه کوریته جک راقلره قورل بوندن مراد دکانلری ترین در آب سماوی تسمیه سی کوک رنکی اولدیغیچون در

آبسیه * (۱) ساده نام مملکتده برنهر در «قره صو» نامنده دره لر قاف ماده سنده ذکر اولنور

(۲) شراب

خسرو (دروصف قلم)

آبسیه خورده چنان کشت هست

کش چونکیرند بیفتند ز دست

TDV İSAM
Kütüphanesi Arşivi
No 25.839

آب عرق * آب کل (آب مقطر * مراجعت)

آب قاطع الدم * قان سیلاننی دیندیرمکه مخصوص صودر ایجابته کوره گاه داخل دن و گاه خارج دن استعمال اولنور بوبابده « بزوقشیری » نام ذاتک اختراعی اولان صومشهوردر بوصویک اساس ترکیبی شاب و بهاری مواد قان دیندیرمک ایچون یا بیلش ترکیب لک اعلاسی دیو برتوز صا تارلر بوتوزی هرکس یاپه بیلو اکور و صمغ عربی و ۴ رچنه بریره کتیریلوب سحق ایدیلور حاصل اولان سفوف اشته بوتوزدر

آب قصارة * بزى بیاضلا تمق ولکه چیقارمق ایچون استعمال اولنور و انکلیر لساننده « آب قصارة » معناسنی افاده ایدر کلمات ایله تسمیه قنور فرانسزلر « آب ژاول » تسمیه سیله یارس قربنده ژاول نام قصبه یه نسبت ایدر لکه ابتداء اورادن ظهور ایتیش دیرلر بوصو قلیه ایله قنور ترکیب کمیویسی در (هیپوقلورید دیوتاس)

آب قطران * طبده امراض جلدیه و علل صدریه و اسقوریت و نوازل دفعیچون استعمال اولنور اشورا یحه کره هلی صاری صو برقطران و یکریمی صودن مرکب در

آب قولونیا * اود قولون مشهور قوقولی صوکه هرکس سورینور معروف در ۱۷۲۷ سال میلادیده قولونیالی فینیر نام ذات اختراع ایتیش بوصویک اعمالنی کویا هرکس یایاماسون ایچون تنويع ایله تصعیب ایتیشلر برقاچ قولای ونسبتله ساده جه اولان ترکیب لری ذکر ایدم (۱) ۲ لیتره شراب روحی ۳۲ درجه دن و اغاج قاوونی ولیمون و پور تقال و زغریوت و سده خلاصه سی و چمک صودر ۲۴ قطره بونلری ساکنم

فاقوله چکر دی ایله برکاسه ایجنه قیوب کاسه پی قاینار صویه اوتور تارق مذکور ایکی لیتره شراب روحندن ربعی قالجیه ذک تبخیر ایدرلر اشته باقی ربع اود قولون دیدکلی در

(۲) ۱ لیتره شراب روحی ۳۳ درجه دن ۸۰ غرام لیمون و برغوت خلاصه لری و ۴ غرام اجاج قاوونی خلاصه سی و ۲ غرام لاوندا و ۱۰ طامله پورتقال چیچکی صوی و ۱۰ طامله عنبر تقاعه سی و ۲ غرام مسک و ۱۲ غرام عسل بند و ۲ طامله کل یاغی بونلرک هپسینی برینه قارشید یروب برضیق بزدن سوزملی

TDV İSAM
Kütüphanesi Arşivi
No ۳۴. ۸۳۳

آب کبود * بحر چین که لسان فوسده ماء ازرق معناسنده آب کبود و لسان عربده بحر اخضر دیرلر

آب کند * صوباصاغی و آبدان معنارینه

آب که * ماء الجمة کول رنگنده غلیظ و کریه الراحیه صوکه چینده اعمال ایدیلور شربی قیرق و جیقق اوکولدر زعم اولنور کویا چین دکزنده برخاصه لی بالقندن استحصال اولنور مش فقط تپشه طوقوتقسزین تناول ایتملی ایمش

آب کون * نهر خوارزم یاخود آندن برجدول که آبسکونه تقرب ایلدکه بو اسم ایله تسمیه اولندیغی لغتلردن آکلاشیلایور

آب لاوندا * لاوندا صوی آب کلدسته . قوقولی صودر سورینورلر صورت اعمالی شوپله در حسامه (لاواندا) کر کم (سعد هند زعفرانی) . وج (قارون دیدیکمز عطر اوتی) یاسمین قرنفل

فلوزانسه سوسنی چیچک صوی و بال بونلری شراب روحیه تقطیر ایدرلر حاصل اولان ماء مقطر اشته بوقوقلی صودر

آب اوس * شراب محرک و معرق . لیل مملکتدن اوس نام اهل صیدله ناک اختراعی اولدیغندن آنک نامنه اضافله معروف صورت اعمالی کهربا یاغی و بلسان مکی و شراب روحندن برمقداری مزجله در قوقوسی کسکین و سوت رنگنده برصودر حالت غشیانده برونه قوقلادلیق یاخود شکر شربنه برایکی قطره طاملادوب ایچیرلک مفیق در

آب محار * قال صوی محار قالمی صوی رایحه سیچون سورینورلر معروفدر بریه روحندن عبارت

آب مرغان * (۱) صفر جق صوی . چکر که صوی . چشمه سار . عجمستان ده سمیرم قصبه سنده مشهور و قهستان ده و دیگر بعض محله ده معروف صودر که بر مملکتک مزروعاتنه چکر که کلدکه یلودن برصوی ذاتی کوندرلر صودن آکور چکر که اولان مملکنه کثیر صفر جق قوشاری بو صوا ایله همراه اولوب کلورده چکر که پی قرار دینور ممالک عثمانیه ده اسلام صفر جق صوی کتیردکه حافظلر بو صوا ایله مملکتی طولاشوب ختم ایندیرر یاخود «یس» اوقورلر (۲) شیرازده بر سیرکاه در ماه رجبده هر صالی کونی کیمی زیارت و کیمی تفرج نیتله اورایه کیدرلر

پیت

دیگر نروم به آب مرغان

دیگر نخورم کباب مرغان

آب مریخ * تیمور صوبی حب المریخ کیمیا اصطلاحند
 مریخ تیمور در قریم طارطار و تیموری شراب روحیه قارشید پروب
 حب یا پارلر ایچانده بو جلدن برینی یا ایکسینی صوا ایچنه قود قلرنده
 برقاچ ثانیه ده حل اولور بوندن آلدقلمی صویه آب مریخ دیرل
 ظاهر دن یاره وبره ایچون استعمال اولنور نانی و مولشیم بلده لرنده
 چوق کارخانه لری اولوب کترله اعمال اولند یغیچون اورو یا لسان لرنده
 اکثریا آب نانی و آب مولشیم تسمیه قلنور

TÜRKİYE
 Kütüphanesi Arşivi
 No 24.833

آب معدنی * معدنی صور اجزای اجنبیه پی حاوی اولوب حین
 تحلیل ده آیریلان غازلر شونلردر حامض خمی و هیدروجن کبریتی
 و آزوت املاح بونلردر فحم کلس کبریت کلس کبریت مغز یا کبریت حلیده
 و ملح داخن (قلور صودیوم) و برچوق ده مواد حیوانیه تفریق اولنور
 معدن صوری مداواتده شربت و حمام اوله رق استعمال اولنور مواد
 اجنبیه پی زیر زمین ده چاریدینی معادنن الورا کتر منابعده سم الفار
 (سیجان اوتی) بولندینی ایام اخیرده کشف اولمش خواص دوائیه سی
 بوسم دن متأثر اولدیغنه عزو اولمقده در میاه معدنیه یبایعنده می حرارت
 عادیه سندن فضله حرارت کسب ایتمشه «ایلیچه» تعمیر اولنور (مراجعت)
 میاه معدنیه طوزلی غازی دمرلی کو کردلی دیو درده تقسیم اولنور

طوزلی آب معدنی ایچنده کی طوزلی چوقه اولور یا خود مواد
 ملحیه به تماسیله عادتاً موجود اولان طوزندن فضله طوزلا تمشدر
 حامض خمی حاوی دکل در انکله ده افسوم و بوهمیاده سدلیج
 واسویجرده لویج صوری و امثالی

غازلی آب معدنی طوزلی قسمده کی موادی جامع اولدقن بشقه
 حامض خمی دخی حاوی در طادی اکشیجه اولور آلمانیاده باد
 و بوهمیاده قارلس باد و ناصوده ویس بدن و ویشی صوری و امثالی

دمرلی صو مقدار کثیرا جزای حدیدیه پی حاوی در لذتی خوش در
 بوهمیاده طویلج بلجیقاده سیا صوری و امثالی
 کو کردلی حامض کبریتی حاوی در قوقوسی بوزوق یورطه
 رایحه سی کی اسویجرده چیچناچ و فرانسه ده آنکین صوری و امثالی
 اناطولی ده وروم ایلی ده میاه معدنیه جاملر بناء اولمش معلوم و ۱۸۶۷
 میلادی پارس سرکیسند معاینه اولمش ترکیب و خواصی معروف در
 معدنی صوری بعید پرله نقل ممکن در آنجق اصل شفاسی موسم ده
 منابعندن ایچمکنده در اورو یاده موسم ماه مایس و تشرین اول
 اورو یاده میاه معدنیه پی بیغی اعمال ایدرله هله غازی صوری یگ اعلا
 یا پارلر معدنی صولرک خواصی یگ اسکی زمانلردن برو دنیاده معلوم
 و مسلم در دوقنور «شنو» نام ذاتک بو باب ده برکتابی وار که میاه معدنیه
 لغتی در و صولرک خواص دوائیه سنی شرح ایدر

آب مقطر * آب عرق حکمت طبیعیه اصطلاحنده آب طبیعی
 اجزای ذاتیه سندن اولان اوقسیجن و هیدروجن دن یشقه برچوق اجزای
 اجنبیه پی حاوی اولوب تقطیرایله اجزای اجنبیه دن تخلیص ایتدکلی صویه
 آب مقطر دیرل منقسم مائه مقیاس حرارتله فوق الصفر ۱۰۰ درجه
 حرارتده اولان ماء مقطرک مکعباً عشر مرتی بیک غرامدر که برلتر دینور
 اشته بو حرارتده آب مقطرک ثقلت مضبوطه سنی حکمت طبیعیه ده واحد
 اعتبار ایدوب سائر اجسام جامده و مایعنه تک ثقلتی بو واحد نسبتله
 تعیین ایلرل نصل که بخار و غاز ثقلتی هوایه نسبتله تعیین ایدرل لکن
 اصطلاح کیمیاده آب مقطر دیندکه اجزای اجنبیه دن تطهیر اولنان
 ماء مزبوره مخصوص اولمایوب بالجمله مقطراتی شامل در متلاکل
 صوبی دخی آب در مقطر

آب نحاس * باقر تطهیر ایند کبری صوکه قوزی قولاغی طوزینک
محلولیدر

TDV İSAM
Kütüphanesi Arşivi
No ۳۴.۸۵۵

آبی * مائی و کبودنیم و آچیق کونک دیدیکم زرنک
* آب *

ترجیه یك و چوق معناسنی افاده ایجون کلمات معدوده یه یعنی همزه
ممدوده ایله باشلیان صفاته داخل اولور مثلاً آق آب آچیق
آب آیدینلق دیرلر
آیاتق اوغلی اسماعیل * جان بک کرای بن مبارک کرای نام قریم
خانک قارت بکلرندن ایدی

* آبا *

ترجیه آبه عم عوجه « شیخ ابوفارغی کیم شیخ زین
خوافینی آبه سی بولور ایدی » (نوائی)
* آبا *

ترجیه حالا لسانمزده آبله دیرز که بیوک قیز قرن داش
* آبا *

سموعیل آبا بحار قرالی بحارلر فی ۴۳۳ پیر نام قرالری علیهنه
قیام ایدوب آبی خلعهلریرینه آبابی اجلاس ایلدیلر فقط بونک ظم و تعدیسنه
دخی تحمیل ایده مدکلرندن عاقبت فی ۴۳۶ یعنی اوچ سال صکره خلع
ایدوب اسکی پیری قودیلر مرقوم آبابی پیر قتل ایلدی
* آبا *

عربی جمع اب اصطلاح حکماءده افلاک و انجم نصل که عناصره
امهات تسمیه ایدر لر دی اصطلاح یونان دن ترجمه در بوتسمیه ده
وجه علویات و سفلیاتک علیت و معلولیت طریقله ارتباطی مسئله سی در
متکلمین ارتباطی انکار ایتدیلر فقط تعلیله قائل اولمادیلر

خضربک

للعلو بالسفل ربط لا بتعلیل

اذ قد یدور مدار بل مضافان

* آباد *

(۱) کعبه یه اطلاق ایدر لر بعضیلر مکبه یه دیدی

حکیم اسدی

فرستاد پس کرد کار بهشت

بدست سروس خجسته سرشت

زیاقوت یکپاره لعل فام

درخشان بدان خانه آباد نام

مران را میان جهان جای کرد

پرستش که خاطر آرای کرد

(۲) فی الاصل فارسی ده ویران ضدی معهور معناسنه اولغله الله آباد

احمد آباد نصر آباد کبی شرقده یك چوق ممالک وارد هریری
محلرنده ذکر اولنور

سعید آباد که * غلط اوله رق سعید آباد دیرلر استانبولده کاغد خانه دینلان
مسیره در اوراسنی چاغلیانلری یایوب سیریری قیلان صدر اعظم سعید پاشادر
سعید پاشا فی سنه ۱۱۵۳ دولت علیه طرفندن فرانسه یه سفیر کوندرلر کده
پارس قربنده ورسای چاغلیانلرینی کوردیکه « کاشکه استانبولزده
اولایدی » دیر ایدی عودتنده کاغد خانه بی اباد ایتکه موفق اولدی
و سعید آباد عنوانیله کندویه نسبت اولندی

* آبادی *

آبادی کاغد اییک دن معهور در

* آبار *

فارسی حساب دفتری که آباره و آواره و آوارچه دخی دیرلر
آبار کیر محاسب معناسنه (دفتر کلسنه)

* آبار *

واسطده برکوره اسمی

* آبارا لعراب *

اجفر ایله فید پیننده بر محل اسمی اورادن اجفریش میل

* آبازه *

تواریخ عتیقه ده آبازیا و روس لسانده آبخازیا قاقاس جنوبنده
قره دکزه قومان پیننده بر قطعده در طاغستان در فقط طپراغی منبت
سکنه سنه آبازه دینور بونلر اسکی رومی ره آبازج و النوزله آخای نامیله
معروف ایدیلر اون بشخی قرن میلادی ده تاریخ ترک مؤلفی نیقولر
حالفوندیلا سک « قابازیتی » یازدیغی آبازه در یوک آبازه
کوچک آبازه دیو موقعجه جنوب و شماله تقسیم اولورلر
ایوم یوزیک نفوس تخمین اولنه یور باشلوجه شهرلری
انپا صخوم پیچوندا لسانلری همان کندیلرینه مخصوص
بردیله دینلری مسلمان رومی لک تسلطندن قورتلدقلری کی مسلمان
اولشردی اندن صکره گاه عجم و گاه کورجی و بروقت ده عثمانلی
اداره سنده بولندیلر و ۱۲۲۴ سنه سندن بروروسیه انه دو شمشلردر قویان
ایله قوطای اداره لرینه تفریق ایشلدر فی ۱۲۸۴ آبازه دن خیلی خانه
ممالک عثمانیه هجرت ایدیلر

* آبازه محمد پاشا *

زور باجانپولادک خزینه داری ایدی هر قوم بوزلدیغنده بودخی
طوتیلوب مراد پاشا حضورینه قتل اولغی اوزره کتیرلش ایکن اولوقت
یکچیری اغاسی خلیل اغانک شفاعتیه خلاص اولدی و اغانک قپودانلغنده

برچکدرمه قپودانی اولدی و براز صکره ارضروم والیسی بعده
سلطان عثمان ایله یکچیریلری محوه اتفاق ایلدی نهایت ارضروم دن
یکچیریلری طرف ایدوب سکیانلری بالالترام استخدام ایتدی یکچیریلر
علیهنده بولماسیله عزل ایدلش ایسه ده فی ۱۳ محرم سنه ۱۰۳۲ مخالفت
ایدوب ارضروم دن چیقما دی و یکچیریلر سلطان عثمانی کربلای
تشیه ایله جک صورتده قتل و شهید ایلدکلر نده « معصوم افندیسنه
غدر ایله نیک جزاسی بودر » دهرک ارضروم دن بروسه په قنر عسکر
چکوب یک چوق یکچیریلری قیردی

انقره دن بروسه په کلک اوزره چیقدیغنده قرق یک عسکری اولدیغی
تاریخلرده مقیددر مؤخر استانبوله کلدی و سلطان مراد رابعه
خدمت ایلدی عجمه وله قارشو محاربه ایدوب مملکت عثمانیه پی
محافظه ایلدی و عاقبت فی ۲۹ صفر ۱۰۴۴ سلطان مراد امریله
قتل اولغله عکسنه مکافات اولندی

بنم دسترس اوله بیلدیکم تاریخلر بوزاتی « آبازه پاشا » یازوب سلطان
مصطفای ثالث وقتنده کی خائف و غدار ا بازه پاشایی « آبازه محمد پاشا »
یازیلورلر

بن دیرم که « آبازه محمد پاشا » اشته بو تعریف ایتدیکم ذات در اسمی
محمد اولدیغی اثبات ایچون شونکله استشهاده ایدرم که فی ۱۰۴۳ له اوزرینه
محاربه په کوندرلدیکی وقت قریم خانی جان بک کرای بن مبارک طرفه دخی
نامه کیدوب تاریخلر عسکر یله کله رک آ بازه پاشا ایله برلشمسی فرمان اولغشیدی
قریم خانی جان بک کرای فی ۱۵ ذی القعدة ۱۲۴۳ روسیه جاری میخیل
طرفه یازدیغی برمکتوبده روسیه نیک حیل و خدعه و نقض عهد ارتکاباتنی
تعداد ایلدکن صکره دیرکه

« تقی خنکار حضر تیرینه ده بولسا یا لغان سوزلریلا الچیکوزنی
بیار کیکوز سبیلی حاضر ات ارسنده توغان کوپ عسکریمز ولا تیکزه اوج

آلور ایچون بارغا ایردیلار الحمد لله تعالی اول ایشلر کچدی کتدی یمانلق
بخشلیق غه دوندی بارش یارش بولوق اولوغ پادشاه اعظم حضرتلری
بره دوست بولدیگوز پادشاه حضرتلری یارلغادی لیه قرالی بره توشمان
بولدی وزیر اعظم ابازه محمد پاشا حضرتلارین کوب عسکر بره بزکا
قوشدیلار بزم بره برکاسفر قیلورلار ایمدی بیوردم که یرلیغ شریفم وارد قده
شمدن صکره اول یالغان سوزلرده تایلغای سز پادشاهلرده یالغان سوز
لایق ایماستور وهم حیلہ وال نیک اوخشاوی ایماستور وطوغری سویلاب
طوغری دوست بولوق کرکسز بوندن بولای کون ایلکاری اوزون اوزاق
عر آخریجه طایمای توررمز خاطر کوزکا هیچ نیارسا کیتورمکای سز
تی لیه قرالی بره عمر آخریجه بارشمای طوررمیز حالا لیه قرالندن الجتی
باشمز ابراش بی کلدی تی آزدن و کویدن خزینه مز کلدی آلدق
سز قرنداشمزده بولسا کوز خاطر یکوزا نیارسه کیتورمکای سز خزینه مز
کیلکانده بولسا دو شمانمزد در اوشلای بیلکای سز حالا سز قرنداشمز بیلا
دوست قرنداشمز همان اولوغ خزینه مزنی بیاریب سوز یکوزده
تورغای سز اولوغ پادشاه خنکار حضرتلارینه سویلکان سوز کوزچه
اوز طرف کوزدن لیه ولایتینه جا ولای کوب عسکر یکوز بره کیلکای سز
تی کیلکانیکوزنی لیه قرالی ولایتنده طایوب بزکا تی وزیر ابازه محمد
پاشا غه معلوم قیلغای سز انشاء الله تعالی لیه قرالی مملکتلارینده
تایلورمز اوشلای معلومکز بولسون دیب محبتک بره خط بتلدی»

﴿ آبازه حسن ﴾

ترکان ویوهده سی برقاچ کره استانبوله عصیان ایتدی و برآرهلق
دیاریکر والیسی اولدی و سلطان محمد بن ابراهیم وقتنده مرتضی پاشا
معرفتیه فی ۲۴ جمادی الاولی ۱۰۵۹ قتل اولندی

3

* آبازه پاشا *

سلطان مصطفای ثالث و زراسندن ایدی مرعش بیکریکی ایکن
 فی ۱۱۸۳ روسیه محاربه سنده صدر اعظمک التزام مجردیله بندر محافظی
 اولدی و اوچ توغ و یرلدی لکن محافظه سنه مأمور اولدیغی قوصبی
 فی ۱۷ جادی الاولی ۱۱۸۳ براقوب قاچاسیله و بونک امثالی مواقع متعدده ده
 جبانیت ایدوب دشمنه یرقراندرماسی سببیه عاقبت سنه ۱۱۸۵ فرمان ایله
 قتل اولندی عثمانلی واجنبی مورخلر بالاجماع بوقتی سلطان مصطفی یه
 عدالت عدایتدیلر

TDV İSAM
 Kütüphanesi Arşivi
 No 24.839

* آباس *

واغراطی خاندانندن ارمنستان قرالی فی ۳۱۶ برادری آشوده خلف اولدی
 بونک وقتنده ارمنستان اقبالده ایدی کر جستان قرالی پرایله محاربه ایلدی
 و غلبه ایتدی فی ۳۴۰ کوچدی

* آباس *

النوز اساطیرنده آرغوس قرالی میلاد عیسی دن (عم) ۱۵۱۰ سیال
 اقدم آرغوس قرالغنه جلوس ایدوب ۱۱ ییل حکومت ایتش فوجده ده
 قدیم آبه شهرینی مر قوم بناء ایتدی دیرلر
 «آبه» * فوجده ده آبانیت قومک شهری . آبانیت قومی صابنه دن
 اولدقلرندن اوراده آپولونه (شمس) موقوف بر مکهنه شمس وار ایدی
 آنک کاهنلری النوز پیننده اک مشهور ایدیلر اهل جغرافیا اتیان قولنه
 کوره آبه مکهنه سی مشهور دلفوس مکهنه سنندن ده اقدم بناء اولمش
 «آبانیت» * قومک اسمی قرالری اولان «آباس بن تپت» نامندن
 مأخوذ ایتش (۱) قوم مزبور فی الاصل تراکیان (جرمن) ایتشلر بونلر
 آسیاده فوجیه هجرت ایدوب مذکور آبه شهرینی بناء ایتشلر برچوق
 وقت صکره اورادن اغریبوزه کچمشلر اوزمان اغریبوز بونلرک نامندن

﴿آبانیس﴾ تسمیه قلمش (۲) اغریوزہ ہجرتلری کیانیانندن شیرشہک فوجہ اوزرینہ ہجومی تاریخنده (۳) مؤخر اغریبوزدن یونیاہ (صاروخان سنجانی) نقل ایدوب اورانک اہالیسیلہ قارشمشار (۴) یونیادن صکرہ قبریس جزیرہسنہ کچوب اورانک سکنہ سیلہ قارشمش اولدقلرینی یافسانیس ادعاء ایدر (۵) ﴿آباغروس﴾

آباریس فی ہرودوط کتاب ۳ بند ۲۶ آباغروس فی شمس اللغات . اسکی النوزاساظریندہ شمسپرستان راہبی صاحب الکرامات والایات بترک ایمش اصلی ترکستان شمالیدن اولوب علی زعممہم اکل وشربہ محتاج اولیہرق بتون دنیایی دور ایش بودور کندوسنہ من طرف الشمس ویریلان برسہم مطلسم کرامتیلہ ایمش عندالبعض سہم مطلسمی چکسیلہ وعندالآخر اوق اوستنہ نسیلہ درون ہواۓہ یل کبی سرعتلہ کزمش مغبیاتدن خبر وپریش فن طب و معالجہ کندوسنہ من طرف الشمس وہبی ایمش علی قولہم چوق النوزلری کرتار اولدقلری بلایای مولہدن خلاص ایش کیمی میلاددن ۱۳۰۰ سال اقدم ایدی دیر کیمی فیثاغورس ایلہ معاصر اولدیغنی ادعاء ایلر ﴿آباغاخان﴾

آل جنکیزدن . آباغا بن ہلاکوبن تولی خان بن جنکیز خان . شجرہ ترکی ذہ (قران باصمہ سی) صحیفہ ۲۲ سطر ۲۰ آباقا وصحیفہ ۹۳ سطر ۸ آبقا یازیلان بو ابانغا بن ہلاکودر شجرہ نسخہ سندہ سہو نسخ و طبع اولدیغنی ظاہر در احتمال کہ ذکر اولنہ حق اباقاو آباق وبلکہ آپ مادہ سندہ قید ایتدیگمز آباق بونلرک ہسی ترکیجہ آباغا کلہ سندن محرف اولہ کہ بیوک عوجہ معناسنہ در . نوایی دیر کہ « و بونلر آتانک اغا اینی سنہ ابانغا دیرلر »

(۲) اسطرابون کتاب ۱۰ صحیفہ ۲۸۲

(۳) بویہ سنہ ۱۸۶۶

(۴) ہرودوط کتاب ۱ بند ۱۱۶ و ہافسانیس کتاب ۷

(۵) ہافسانیس کتاب ۷ فصل ۴

مرقوم ابانغان فی سنہ ۶۶۴ پدیری ہلاکویہ خلف اولدی و ۶۸۱ وفات ایتدی ممالک جنکیزینہ دن قطعہ غریبہ خصوصاً ایرانہ حکم ایلدی و شمال تاتارلرینک جنوبہ جملہ و ہجوملرینہ چند دفعہ سد اولدی اوائل سلطنتندہ سوریه قطعہ سی دخی آندہ ایدی لکن سلطان مصر پبار سوریه بی الوب اورادہ اسلامیتی کاینیغنی تشکیل ایتدی ﴿آبانی﴾

۱ برنجی میشل ابانی اردل قرالی ۰ فی ۱۰۷۳ باب عالی نک اوستریا دولتنہ قارشو اختیار ونصیلہ قرال اولدی سلطان محمد رابعک اوستریا اوزرینہ محاربہ سندہ محارلر ایلہ برابر اوستریا علیہنہ قیام ایدوب خیلی سنہ لر قرال لؤپولدا ایلہ محابہ ایلدی بیج محاصرہ سندن صکرہ لؤپولدا ایلہ مصالحہ باغلا دی فی ۱۰۹۹ و فی ۱۱۰۲ استوہل ویزم برغ نام محلہ کوچدی

۲ ایکنجی میشل آبانی . برنجی نک اوغلی . باباسی اولدیکندہ چوجق اولدیغندن باب عالی نک التزامنہ مظہر اولادی باب عالی طرفندن بحارستان بکی تکہ لی التزام اولنوب اردل بکی نصب اولندی لکن اوستریا دولتی مرقوم میشلی التزام ایدوب اردل قرالی طانیدی و برازمدت صکرہ مرقومی وینانہ یہ جلب ایدوب چوجقہ معاش کوسترہ رک اردل قرالغنی ترک ایتدیردی یعنی صاتون آلدی اشته اولوقت اردل قرالغنی ختام بولدی ﴿اردل کلہ سنہ﴾ مرقوم ایکنجی آبانی ۲۶ یاشندہ فی ۱۱۲۵ کوچدی

﴿آباق﴾

اسکی النوزلرک زارویوللرلہ طاولہ اویونی کہ یالامداویونی دیدکلری دخی یواولہ حق ﴿آباق خان﴾

ال جنکیزدن اباق بن محمودک بن حاجی محمد بن علی اوغلان بن بک قوندی اوغلان بن مونکا تیور بن باداقل بن جوجی بوقا بن بہادر بن شیبانی

بن جوجی بن جنکیر . ابا بق خان نسلی النجی اوغلی کوچم خانده منقطع اولدی

﴿ آباخان ﴾

بن هلاکو ابانا ماده سنده کجدی .

﴿ آباقان ﴾

TDV İSAM
Kütüphanesi Arşivi
No 24.889

اسیاده حالا روسیه تصرفنده بولنان طومسوق ده مشهور نهر در منبعی التون طاغنده (ال طای) شمال شرقی یه طوغری یتش ساعت قدر جریانندن صکره اولیانوده باطار . آباقان و آباقانسق کبی اسامی تاتار خانلری اسامی سندن اخذ اولندیغی محتمل در .

﴿ آباقانسق ﴾

اسیاده طومسوق قطعه سنده حالا روسیه ننگ برکوجک قلعه سیدر بوقلعه پی فی ۱۱۱۹ دلی پترونا ایلدی شمعی ۲۰۰۰ قدر سکنه سی وار . غریب درکه شمعی اوراده اسکی ترک و تاتار مدنیت قدیمه سندن زیر زمینده اثار بولدیلر اچدقلری قبرلردن پک اسکی برمدنیت اثارندن التون و کوش و باقر و تیموردن معمول و مصنع حلی وزینت طاقلری بولندی و ۸ و ۹ قدم طولنده انسان تمثالری بولدیلرکه اوزرلری هپ یازو ایله طولو لکن بوکونه دک شوخطوط قدیمه پی اوقویا مادیلر

﴿ آبالاق ﴾

اساده روسیه ده طومسوق دن ۴ ساعت قدر جهت شرقی ده برقصه بوقصبه برمریم تمالی ایله اورته ده مشهورکه او طرفلرک خلقی بوقصبه پی کعبه اتخاذا یتشکل محل تمالی زیارت و طوافه کیدرلر

﴿ آبالو ﴾

آوالون . فرانسه ده یون ایالتنده قوزین نهری کنارنده قیالر اوسته بناه اولمش برقصه باغلری و چوخه فابریقه لری مشهوردر حالا سکنه سی ۴۳۷۵

﴿ آبالغث ﴾

بحارستانده . بازنایه ایالتنده برقصه در مغاره سی مشهوردرکه انده صو

صیرت نیسی ایله حجر معروف حاصل اولور

﴿ آیامه ﴾

(۱) سوریه ده جا شمالنده حالا رسوم و آثار قدیمه سی مشاهده اولنان « فامیه » شهری . اوائلده فازناس تسمیه اولنوردی مؤخر پللا ونه ایبت سلفقوس نیقا تور اعمال ایلیش اولدیغندن کندی زوجه سی (آیاما)

اسمندن آیامه تسمیه قلندی . فامیه اسمی مذکور آیامه دن محرف اولور .

(۲) آیامه . اناطولیده آفیون قره حصاری سلفقوس سوتیروس بومملکتی بناء ایلدی واسکی فریجیا قرالری نیک یا یتختاری دینلان سلنه پی خراب ایدوب اهالیسی بوریاه نقل ایلدی و اناسی نامیله آیامه تسمیه ایتدی آفیون قره حصاری الیوم اناطولینک بریجی درجه ده تجارت مملکتلرندن معدوددر ۲۰۰۰۰ نفوس سکنه سی وار چوق افیون اخراجاتی وار و صنایعدن قالی کلیم سچاده دستکاهلری متعدد . قروم معدنلرینی برانکلیز قومپانیسی تحت انحصاره المش طاشور و دکر کپوکی معدنلرینی اوستریالو برقومپانیا اخراج ایدر قره حصاریک سلوک تجارتی دخی بیوجک شی در

(۳) آیامه . حالا بروسه اسکله سی مداینه اوله جق اییک وزیتون حاصلاتی دکرلی در استانبول و بروسه ننگ اسکله سی و بر تجارتی اولدیغندن موقعجه اهمیتلور

(۴) آیامه . جزیره ده ملتقای نهرین ده (دجله و فرات) حالا قورنه دینلان شهردر اسم قدیمی دیغبا مؤخر آیامه و شمعی قورنه .

(۵) آیامه . جزیره ده ساحل یسار فرات ده سلفقوس نیقا تورک بناسی برشهر عظیم ایدی حالا روم قلعه آنگ یرنده در

(۶) دجله جزیره سنده دجله فراهه التقاء ایتزدن اول آیامه نامیله معروف برشهردها وار ایدی

(۷) اشکانیان وقتنده ایرانده بحر حرز جنوبنده آیامه اسمیله معرف برشهر حالا « ری » شهری اوله جق

آبان

فارسی اوج معنای و آ ۱ سال شمسی دن سکزنجی ماهک اسمی ۲ محوس اعتقادنجه ماه مز بورده واقع اولان امور مصالحی تدبیره وخصوصا اهن اوزره مؤکل فرشته اسمی ۳ هرماه شمسی دن اونجی کونک اسمی

آبانک

TDV İSAM
Kütüphanesi Arşivi
No 34833

وآباننيس اباس ماده سنه مراجعت

آباننیداس

سیريون ظالمی دیو اسکی یونان تاریخ زنده مشهور . اسکی سیريون حالیا مورده واسیلیقا ایالتی در مر قوم میلاد عیسی دن عم ۲۶۷ سال اقدم جمهور رئیس قلینیاس نام ذاتی اولدیروب مملکتده تسلطن ایتمش یونان تاریخ زنده قسوت قلب ایله موصوف و بونک قاتلی دیناس معروف در

آبانسای

۱ امریقاده پرو جمهوریتنده بزهر ۲ نهر مز بور کنارنده برشهر در حالا سکنه سی ۵۰۰۰

آبانو

وندیک ده یادویه ایکی ساعت برشهر ایوم سکنه سی ۲۹۰۰ مشهور لاتین مورخ تیت لیو میلاددن ۵۹ سال اقدم بوشهرده طوغدیغی بعض طرفدن ادعاء اولنور

آبای

ال جنکیز دن ابای بن اوز تیمور بن توقای تیمور بن جوجی بن جنکیز خان

آبایت

برزیلیاده بزهر فرق ساعت قدر جریاندن صکره سان فرانسز قویه ملحق اولور

آبیاخ

اباکوم . ابودیاکوم . المایاده باویر قطعه سنده طونه اوزرنده

برقصه جق راتیر بوندن ایکی بجق ساعت ایوم سکنه سی ۱۵۰۰ ایمپراطور اوچجی هنری نك مسقط رأسی در

آبیه

عبرانیدن مأخوذ عربی اب کلمه سنه مراجعت

آبیه ویل

فرانسه ده صوم ناحیه سنده امیاندن ۹ ساعت شمال غربی ده و یارسدن ۳۲ ساعت برقصه در فابریقه لری چوق و بریبوک کتبخانه سی وار انارعتیقه نمونه خانه سی دخی وار مشهور اهل جغرافیا صانسون ومیلووا اورادن نشئت ایتدیلبوکون ۱۸۵۲۶ سکنه سی وار قرون متوسطه ده تجارت وصناعته مشهور ایدی

آبون

فی ۲۳۶ نورماندی ده طوغمش برشاعر فی ۲۷۳ نورمانلرک یارسی محاصره سی اوزرینه برمنظومه سی معلوم که فرانسز لرحه یک مهم برمنبع تاریخ عد اولتمده در موسیو کیز و ترجمه ایتمش

آبوجبوری

انگلترده دورچستر دن ۳ ساعت جنوب غربی ده ۹۰۰ نفوسلی برقصه

آپرث

پای فارسیه تانیه نك قحیله . مواد غذائیه نك قوقاق دن و بوزللق دن محافظه سی صنعتی ایجاد ایدن فرانسز که بوندن اوتوز سال اقدم ۱۸۴۰ وفات ایتدی بوضعتی آرامغه فی ۱۷۹۶ باشلایوب سکز سال چالشمش نهایت اصابت ایلمدی بولدیغی صنعت شودر مثالات وسبزه کی مواد غذائیه پی پیشه جک درجه ده قایناتالی بعده هوادن تخلیه اولمش تنکه ظرف ایچنه قویوب صیق حمله ملی .

آپینانوس

ایکنجی قرن میلادیده یونان لساننده مورخلردن اسکندریه لی آپیان

رومایه اسکیدوب تراجان واذریان و انطونین قیصر لرك خدمات مخصوصه سنده بولندی « رومان تاریخی » عنوانه ٣٤ کتابده یازدینی اثر تروادا محاربه سندن بدأیدوب قیصر تراجانه قدر گلش بو کتابلرنده روم ایله علاقه سی اولان هر قومی تفصیل ایش فقط بو کتابلردن متأخرین الله کچه ییلان آزشیدر که شونلر ٣ کتاب اسپانیا محاربه سی آیینال محاربه سی قرطاجه محاربه سی اوزرینه ١ کتاب مهرداد اوزرینه ١ کتاب ایلیریا اوزرینه و ٥ کتاب رومانک محاربات داخله سنه دائر . و دیگر کتابلردن بعض تلخیص . بونلرک کافه سی فی ١٧٨٥ اوج جلد ایچینده لپسیقه ده طبع اولمش فرانسجه متعدد ترجمه لری موجوددر .

﴿ آج ﴾

مرصده دیدی که باء موحدنک قحیله عجمده بموضع اسمی در برچوق ذوات اورایه نسبت اولنور

TÜV İSAM
Kütüphanesi Arşivi
No 2E 899

﴿ آبدرا ﴾

روم ایلی ده طاسوس جزیره سی قارشوسنده و قره صوم مصبنده قدیمه برشهر ایدی اساطیر النوزده بعضیلر بناسنی هرکله اسناد ایدرلر (١) بعض آخر تراکیا قرالی دیومدک قیز قزنداشی آبر انشاء ایدی دیرلر (٢) تاریخه قریب اولان روایت شودر که از میرده صیغاجق لولر کیانان فرس قورقوسیه آسیادن اورویا به کچوب قره صوم مصبنده آبدرا شهرینی بناء ایتدیلر اورادن چوق فلاسفه ظهور ایتدیکندن بو مملکت تواریخ عتیقه ده مشهوردر دموقریت پروتاغور آناق سارق آبدرا فیلسوفلرندن درلر قدمای مورخین دن هقانه دخی اورادن . آبدرا فلسفه سی قول خلاء دن عبارت هپ قدمای مورخین بوشهری معدن عقل و معرفت و حکمت دیو وصف ایتدیلر . فقط شعرای متقدمین دن جوونای آبدرا شهرینه « مولداغنام » تسمیه ایلدی (٣) کیانان دن شیرشه آبدرا لیره ایشمدی اطاعتلرینه بناء

(١) پومپون کتاب ٢ فصل ٢
(٢) فلوستراط کتاب ٢ فصل ٣٠
(٣) جوونال بیت ٤٧

اکرام و التفات ایلدی (٤) حتی تعلیم معارف ایچون اوراده برقاچ موبد براقدیغی و دموقریت اول امرده بوموندلرک تربیه سیله بیودیگی مسطور کتب قدیمه در

﴿ آبر ﴾

- (١) باء موحدنک ضمیمه سجستان کویلرندن برقریه در مشاهیر فضلاء دن ابوالحسن بن الحسین بن ابراهیم بن عاصم الابری اورادن در
- (٢) قیرغیز کماکمجوت ایلی نك حدود شمالیسنده برولایت (اوشال . قران باصمه سی صحیفه ٢٧ سطر ٣)

﴿ آبر ﴾

بای موحدنک قحیه خفیفه سیله کلتوس لساننده مصب نهر ولیمان معناسنه اولدیغندن اسقوجیاده ویلزده انکلترده چوق محللر اسامیسی اولنه داخل اوله رق استعمال اولمشدر . مثلا * ابر پروتوق * ابردن * ابرفویل * ابرنی * اسقوجیاده و * ابرپچویث * ابرجلی * ابردار * وبلزده و * ابرجوینی * انکلترده معروف محللر در

﴿ آبراش بک ﴾

کلرک اوغلی ابراش بک قریم خانی جان بک کرایک سرای بکلرندن له قراندن و روسیه قراندن خزینه مخصوصه تحصیل ایچون کرارا اکونرلش اولدیغندن جان بک کرایک بعض مکتوبلرنده « باش ایلیچیمز ابراش بی ٠٠٠٠ » دیو کوریلور احتمال که عربی ابرش لفظندن مدهمرزه یله مخرف ؟

(١) هرودوت سخات . بند ١٢٠

؟ مان بک کرای وقتنده روسیه نك قریم خانه ویره کلدیگی ویرکودفتی مطالعه گذارمز اولیری تحف اولدیغندن بروجه زبر اشارت اولندی دفترباشی شویله در

آبرقرومی

فسیر رالف دیدکلری انکلیز جزالی فی ۱۷۳۸ طوغمش سنه ۱۲۱۳ (۱۷۹۸) مصدره فرانسزی اورمغه کوندریلان انکلیز عسکرینک قوماندانی ابدی رانسزله غلبه کوستردی لکن فی ۲۱ مارت ۱۸۰۱ فرانسز جزالی منوا عسکر یله محاربه ده بحر وچ اولوب نهایت ناپلی ده وچریحه دن متأثر کوچیدی . مرقومک طورونی سیر رالف سنه ۱۲۶۶ (۱۸۴۹) فلورانس ده انکلیز سفیری ایدی

TDV İSAM
Kütüphanesi Arşivi
No 28. 899

آبراقادابرا

عبرخشا دینلان تیمه نك ایچنده کی اسم الهی . واسیلید نام حریفک

هو

دفتر

اولدرکه مرحوم و مغفورله اناچام جانبک کرای خان علیه الرحه والغفران حضرتلری زمانده کلا تورغان خزینه وقرنداشلاریمز سلطانلرغه و خانی سلطانلرغه و انا و سائر قوللریمزغه کلا تورغان تیشدرکه ذکر اولنور میک قرق یدی تاریخ قربان بیرامنده یازلدی (بودفترده روسیه طرفندن ابراش بکه ویرلکده اولان تیش شووجهله مید)

دفتر

کلوک اوغلی ابراش بک تیشیدر

برصمور	برزرده	برصرت	بقارن	برکتته
طون	طون	طون	طون	صرت
برجه	برجه	برجه	برجه	برجه
۱	۱	۱	۱	۱

برکتته قارن برتلیکی بورك

برجه برجه

۱ ۱

اویدردیغی طلسم در مرقوم واسیلید ۳۶۵ سماوات ووسماء لری عقول ایله مسکون تخیل ایلدی و بونلردن عقول عالیه سافله به فیاض اوله رق اینه ینه نهایتکی عقول سافله بو بزم عالی خلق و تدبیر ایلدیکنی زعم ایتدی و بواصول ایله مسئله خیر و شمری شرح ایلك استدی و عقل و نفسی یعنی ملهم و وسواسی بیان ایچون انسانده ایکی روح وجودنه قائل اولدی . ونلره برابر مرقوم تناسخه قائل ایدی برانجیل ترتیب ایدوب خلقی مذهبنه دعوت ایلدی چوق کیسه لر تابع اولدی که « واسیلیدیان » دیو مشهوردر لر بونلردن اک شهری ماریسون .

مرقومک طلسمی ابراقادابرا اسمی طاش اوزرینه یازوب نفوس شریره شرلرندن محفوظ اولق ایچون طاقمالی ایش زیده کی اون برسپردن برچی اسم الهی اولدیغی کبی دیگر هر بر سطر معناسز دکل ایش . بو طلسمه ابرخشا تسمیه قلینور بو حروف یونایلرک ابجد حسابله ۳۶۵ عددینی اشعار ایتدیکندن و عدد سموات و کذا عدد ایام سال ۳۶۵ اولدیغندن طلسم مذکورک کویا خواص عجیبه سی مشاهد اولنورمش

صورت تحریری شویله در

ا ب ر ا ق ا د ا ب ر ا
 ا ب ر ا ق ا د ا ب ر
 ا ب ر ا ق ا د ا ب
 ا ب ر ا ق ا د ا
 ا ب ر ا ق ا د
 ا ب ر ا ق ا
 ا ب ر ا
 ا ب ر
 ا ب
 ا

آبرانته

پورتقال ده طاج نهرینک ساحل یمینده الیوم ۵۰۰۰ نفوسی جامع بر شهر حنطه وزیت و میوه سی مشهوردر

* آبرستان *

قره‌سی لوانسده ایورندی قضاسی . حالا ایورندی اسمی اشبو آورتان نام قدیمندن محرف اولق کړک .

TDV İSAM
Kütüphanesi Arşivi
No 24.898

* آبرزس *

رای مهمله‌نک ضمی وزای مجمه‌نک ققچيله ایتالیاده برقطعه اسمی در بوقطعه اسکی ناپولی مملکتک جهت شمالیء شرقیسی ایدی شمعی ایتالیاده درو ۱۸۶۴ دنبرو کرسیء مملکت نامیله (شفلیو) مسمادر

* آبراقسین *

(۱) فدور ماتویه ویچ . روسیه‌نک مشهور قپودان دریاسی ودلی پترونگ غلبت بحر یه آلتی فی ۱۶۷۱ تولدی و ۱۷۲۸ وفاتی . روسیه‌نک قوهء بحریه سنی ایجاد ایتمش کی در .

(۲) آبراقسین . اتیان فدورو ویچ . مذکور قپودانک کوچک اوغلی روسیه عسکرینک مارشال‌لردن ایدی (اردو مشیری) عثمانلیلرله و پروسیالیلرله محاربه ایتدی فی ۱۸۶۰ کوچدی

* آپرس *

رای مهمله‌نک ققچيله . شرق صولرینی کزن مشهور فرانسز قپودان سواحل هند وچینی کزدی و ۱۷۴۵ و ۱۷۷۵ «نپتن اوریانتال» نامیله او طرفلرک مکمل خریطه لرینی نشر ایلدی اصلی فرانسده هوردن اولوب فی ۱۷۸۰ وفات ایتمش

* آپریس *

بای تختانیه‌نک ققچه سیله . حفرا دینلان مصر فرعونی که میلاددن ۵۹۵ سال اقدم مصرده سلطنت ایتمش صیدایی وقبریسی ضبط ایلش ۲۶ سال حکومتدن صکره تبعه سندن آماسیس نام کسه قیام اندوب مر قومی تختندن ایندیرمش و اولدرمش

* آبسال و سلامان *

تفهیم سعادت حقیقیه باینده برمثل در . بوکونه‌دک وراي پردهء خفاده قلمش اولان شو آبسال و سلامانی آرامق بر بحث عمیقه طالق در

(۱) اولابو آبسال و سلامان تعیری نردن پیدا اولدی .

بکافالورسه بونی ابتداء اسلامه تحدیث ایدن شیخ ابن سینادر اشارات نام کتابنده دیرکه «النمط السابع فی مقامات العارفين . تنبیه . ان للعارفين مقامات و درجات یخصون بها فی حیوتمهم الدنیا دون غیرهم فکانهم وهم فی جلابیب من ابدانهم قد نضوها و تجردوا عنها الی عالم القدس ولهم امور خفیه فیهم وامور ظاهره عنهم یستکرها من ینکرها و یحزن نقصها علیک و اذا قرع سمعک فمما یقرعه و سرد علیک فیما تسمعه قصه لسلامان و ابسال فاعلم ان سلامان مثل ضرب لک وان ابسال مثل ضرب لدرجتک فی العرفان ان کنت من اهله ثم حل الرمز ان اطقت» اشته بوندن اقدم یازلمش بر کتابزده سلامان و ابسال کورلامشدر

(۲) ثانیا نه در قصه ابسال و سلامان . اشارت شرحنده دیرکه «شیخک ذکر ایتدیکی سلامان و ابسال نه یلمجه قیلندن در نه ده قصص مشهوره دن . بونلر ایکی لفظدر که شیخ کندی وضع ایلدی بوکی شیلرایسه مستقل عقل ایله ییلنسی محال در بناء علیه شیخک حلنی تکلیف ایدیشی عادتاً معرفت غیب تکلیفی قیلندن در بو قصه ده و حلنده چوق شیلر سو یلدیلرک اعلا قول شودر که سلاماندن مراد آدم و ابسال دن مراد جنت اولوب شیخ دیمک استرکه ادم ایله مراد سنک نفس ناطقه کدر و جنت دن مراد درجات سعادتک در آدمک تناول بر ایله جتندن اخراجی قضیه سی نفسک شهواته التفاتیله درجات سعادتندن انحطاطی دیمکدر» نصیر طوسی شارحه جواب صدندنده زعم ایتدی که او یله بر قصه موجود و انده سلامان و ابسال اسملری مذکور اوله بعده سلامان و ابسال ناملریله ایکی قصه سوق ایلدی که بری کویا ارسطو مصر خطوط قدیمه سندن

ترجمه ایتش وحنین دخی بونی یونانی دن عربی به نقل ایش زعم اولنان حکایه در منلا جامی بو حکایه بی نظم ایلدی ولامعی ترکیه به ترجمه ابتدی طوسی بو حکایه نک کویا شیخ کلامنی حمل ایچون اویدیرلش و مراد اکلاشلسزین جاهلانه دوزلش برصاچه اولدیغنی بیان ایلدی
ایکنجی قصه ابو عبید جوزجانی نک تصانیف شیخ فهرسنده تحریر ایتدیکی حکایه سلامان و ابدال در . طوسی بو ایکنجی قصه شیخ مقصودی اولدیغنه ذاهب اولدی .

ابو جعفر بن طفیل دخی شیخ نامنه اسناد ایله بر ابدال و سلامان قصه سی یازدی که جائل اهل عرفان اوله حق زهی حکمت در . جامی نک نظم ایتدیکی و جوزجانی نک ایراد ایلدیکی و ابن طفیلک تألیف قلدیغنی ابدال و سلامان قصه لری و بالجمله بو محنتک تدقیق علوم غریبه سی نسخه ٢٤ صحیفه ١٣٦٩ مذکور در

(٣) ثالثا ابدال و سلامان اسم لری قنغی دیلدن در وقصه قنغی ملثک در طوسی قصص عربدن اولدیغنی بکره تور سلامان اسم شجره واسم موضع واسم رجل اولدیغنی کتب لغتده مسطور اولدیغندن و ابدال (اگر همزه مکسور او قدرق تحریفه براقیلورسه) بسل کله سندن انه بیله چکندن طوسی بونلری دخی کلمات عربیه اولق اوزره شرح ایتدی جامی سلامان اسمک سلام دن و ابدالک بسل دن مشتق اولدیغنه اشارت ایتک استدی
جامی

زاده پس پاک دامن آمدست نام این زاده سلامان آمدست
کیست ابدال این تن شهوت پرست زیر احکام طبیعت کشت پست
اشته ابدال و سلامانه دائر اطلاعز بوندن عبارت

بکالورسه بو ابدال و سلامان کله لری وقصه نک اصلی عبرانی اولق کرک ابدال « ابدالون » سلامان « سالومون » (سلیمان) که ایکسی دخی داود عم اوغللری ایدی جوزجانی شیخه اسنادا ابدال و سلامان

قرنداش اولدقلرینی و ابدال حسن و جمال صاحبی و شیخ اولدیغنی یازدی یهود تاریخلرنده دخی قرنداش اولدقلری و ابدالک صباحت وجهی و شجاعتی مسطور در و عبرانیلرده ابدالون قصه سی قصص موله دن (طرا کیدی) اولق اوزره معرف در بوندن ایکی یوزیل اقدم فرانسز « دوشه » ابدالون طرا کیدیسی یازمش . بو عبرانی قصه ابن سینادن مروی اولان ابدال قصه سنه تامیله بکر مزسه ده مانع دکل در چونکه شیخ مرادی که تفهیم حکمت حصه سی اوزرینه سوق مثل در سلامان و ابدال اسم لریله باشلا یه رق بر حکایه تنظیم ایلشدر .

آبستا

کلام معناسنه لغت زند . زند آوستا کلام زنده یا خود کلام جان . آبستا زردشته نسبت اولنان ک کتاب مجوس در .

شاعر کوید

چو اینجا معنی قرآن ندانم روم آنجا که آبستا بخوانم

بو کتاب ایکی پارچه برنجی زند لغتده (زند کله سنه) ایکنجیسی پهلوی لساننده (مراجعت) برنجی قسم اوچ بابی مشتمل

١ کتاب الصلوات اولوب اوچ فصل فصل اول بندی داد یعنی استعاده فصل ثانی یش که زمزمه یعنی طعام دعاری فصل ثالث یشن پد که مجوس زعمیچه یشن نام فرشته معظمه ادعیه واثیه

٢ یشت که اکثریسی پهلوی لساننده ادعیه فقط دبستان ده یش ایله یشت زمزمه معناسنه دیدی

٣ سیروزه که ماهک او توز کوننده هر کونک مؤکل روحانیلریله توصل دعاری آبستانک ایکنجی قسمی بون دهش که دین و عبادت و احکام مدنیسه و زراعت و هیئت دیگر علومه دائر تعلیمات و شروح و زردشتک نسبی بوسیدن که شوقسم ثانی یه بزم کتابلرده آبستانک شرحی تسمیه اولنور حتی بعضیلر آبستانن و زند آنک شرح و تأویلی دیدیلر حالا موجود

اولان زند آبنستانك برنجي قسمي اسكي مجوس كتابي اولق تخمين اولنه يور
حتي بعضيلري زردشته اسناد ايديورلر اوروپا علماسي طرفندن زند
آبستايي اوروپا يه كيرن موسيو آنكيل ايمش و برنجي دفعه اولق اوزره
او ترجمه ايتش (في ١٧٧١) مؤخرًا ترجمه لرمتمدد هله في ١٦٩٠ تاريخ
ميلادي لكلك نام ذاتك امستردام ده نشر ايتديكي زند آبستا برنجي يايكنجي
قرن ميلاديه موجود فلسفه يي تايد غرضيله ساخته برشي در پارس
كتبخانه سنده «علمای اسلام» عنوانيله موجود اولان مجوس كتابي دخي
عقائد اسلاميه يي اخلاص غرضيله اويدورلش برهذيانامه در . شفاء
صاحب قاضي عياضه كوره زردشت نيوتنه اختلاف اولنان ذوات
عاليه دندر (زردشت كلمه سنه دخي مراجعت)

TDV İSAM
Kütüphanesi Arşivi
No 22 859

﴿آبستيموس﴾

سين ساكنه دن صكره كلان تاي فوقانيه نك ققحه سيله . اوروپا يالير پيننده
مشهور ايكي يوز ماصال مؤلفي ايتاليان آستيو . اون بشنجي قرن ميلادي
مؤلفلرندن . يازديغي قصه لرك اكثريسي يونانين ترجمه و بعضيسي لقمان
حكيمه اسناد اولنان امثال بعضيسي ده كندي ترتيبسي . فرانسوزجه
قصا صلردن لافوتن بوندن خيلي مواد اخذ ايلش در مذكور ايكي يوز
قصصك فرانسوزجه ترجمه سي معروف در .

﴿آبسته﴾

فارسي . زراعت ايجون سوريلوب حاضر لاشس تارلا

﴿آبسير﴾

فارسي . سين مهمله نك ققخيله . اسب خوش رفتار (رهوار كلمه سنه)

﴿آبسيرت﴾

سين مهمله نك كسر امديله (١) قولخيدا (شمدي كرچستان) حكمداري
اته نك اوغلي كه همشيره سي مه ده معرفتيله قتل اولمش شوييله كه ميلاد
عيسي دن عم ١٣٠٠ سال اقدم تر حاله ده كي مغنيسا النوزلري بر حرب

کیمی ایله بوغازدن وقره دکردن حالا کرجستان ده کی فاش نهرینه کیشلر اولوقت نهر مزبور ساحلنده معمور ایا شهرنده حکمدارانتهك قزی مدهده پی آلوب قاچیرمشلر بوقیزی قاچیرمغه باعث کیده کی النوزلر کیشی ومغنیسا قرالنهک اوغلی یاصون نام کیمسهك عشق و علاقه سی ایمش قیز یاصونه او یوب قاچارکن یدرینی تعقیبدن تعویق ایچون قزندانشی آبسیرتی پارالادوب پارچه لرینی یول اوزرینه سردرمش

(۲) فاش نهرینهک اسمی . آبسیرت بن اتهك یارمانان اعضاسی بونهر ساحلنجه یول اوزرینه قونلد یغیچون مر قومك نامی نهر مزبوره طاقلمش

﴿ آبسیرتید ﴾

آبسیرت اطه لری . ونیدک کورفری جزایری که هر صو عوزه رو آنبه وجلیا پاغو ناملریله معروف . بعض قصاصلرک افسانه سنه کوره یاصون مدهده پی قاچیررکن قیزك قزندانشی آبسیرتک اعضاسنی بو جزائره براقه رق صاوشدیغندن مر قوم آبسیرت نامنه نسبت اولمش .

﴿ آبسردی ﴾

فارسی . بل صغوقلغی (مراجعت)

﴿ آبش ﴾

عربی . خانهك حولیسنی واوکنی طعام وشراب ایله تزین ایدن کیمسه

﴿ آبش ﴾

آبیخ . طبیعیوندن آلمان آبش . فی ۱۸۰۶ میلادی (۱۴۲۱) برلینده طوغمش کچن قریم محاربه سی ابتداسنده پترسبرغ اقادمی سنه اعضادن اولشیدی سیاحت و تالیفاتی چوق معاصرین دن در . طلب علم قصدیله اوروپا ده سیاحت ایتدیکندن بشقه آسیاده چرکستان و عجمستان و کردستان و وان ده خیلی کرمش طبقات الارض فننده عالم برذات در اوروپا ده بعض ینارطاغله دادر کتاب تالیف ایلدی وچرکستان و شمال عجمستان و ارمنستان اراضی سنك طبقاتنه دادرخی کتابلریازدی

TDV İSAM
Kütüphanesi Arşivi
No 26.889

بحر خز صوینک ترکیب و خواصنه دائر مستقل کتاب شری پر ایتدی

(آیش)

ترکی . عجمان که خایه ایله دبرینی . بو محل بر رباط (رافه) ایله ایکی مساوی پارچه یه منقسم در تمیز طو تلمادیغی حالده و چوقه آیشدیران خدمته بولنلدیغی صورته چپان و قبارجق پیدا اولور و دبه و فقی مقری نازک محل در

(آیشناسان)

TDV İSAM
Kütüphanesi Arşivi
No 24.833

(۱) قاعده و قانون بیلانر

سیف

* یش عنان تواند آیشناسان مطیع *

(۲) صوری کوزه دن قبودان

رضی نیسابوری

بزد آیشناس آنکس است طعمه موج

که کرداب تودارد طمع کذر بشناه

(آبغار)

(۱) ارشا کیان جنسندن جزیره ارمنی لرینک قرالی . آبغار کله سی فی الاصل آواق ایله ار کله سندن مرکب اولوب بیوک آدم معناسنه ، دنیاده خرسیتیان قرال لرینک برنجیسی در . تاریخ جلوسی میلاد عیسی دن (ع م) برسال اقدم عیسی (ع م) بوکا بر مکتوب ایله رسمی کوندرمش مدت حکومتی ۳۸ سال . ترجمه احوالی اوزب و اواغریوس تاریخلرنده صحتدن بعید بریان ایله مذکوردر .

(۲) آبغار . اونبشچی قرن میلادی ده ارمنی علماسندن توقادلی بریایاس . بوذات ارمنی ملته بریدوک خدمت ایتک استدی شوپله که افندیسی بطریق میشل طرفندن برخدمتله یایانه کوندرلدکده (فی ۱۵۶۳ . پاپا دردی بی پی) روماده ارباب صناعتله لقردی ایدوب

ارمنی حرفی دو کوردی و بوحروفی و ندیکه کتوروب زبور طبع ایلدی که

دنیاده ارمنی حرفیله برنجی کره طبع اولنان کتاب بودر

بومطبوع عتیق دن شمیدی اورو باده فقط اوچ نسخه معلوم

(آبق)

عربی (۱) کیمیا اصطلاحنده جیوه .

(۲) فقه اصطلاحنده افندیسندن خوف و اندیشه سی یاخود اعمال

شاقه دردی اولیه رق فقط هواسنه تبعیله قاچان عبد . فقهده احکام

مخصوصه سی واردر (کتاب الابق) برکیسه آبق کورسه ده طتوب

توقیف ایتکه مقتدر اولسه طومتی واجب اولماز اگر طوتسه ده حکومته

تسلیم ایلسه آبق اولدیغنی اثبات ایتدیجه حکومت قبول ایتز شاهدلر

اقامه سیله آبق اولدیغنی تبیین ایدرسه حکومت توقیف ایدر و صاحبی

ظهورنه دک یت المال دن انفاق ایلر (کذا فی التبیین) طوتان آدم حکومته

تسلیم ایتیب کندی انفاق ایلسه اگر قاضی نک امریله انفاق ایلدیسه

صاحب ظهورنده مصارفنی آور یوقسه الاماز . حکومته تسلیم اولنان

آبق طلب ایچون برمدعی ظهورنده قاضی آبق طرفندن برخصم نصب

ایده ییلورکه بوخصم اوصحابت ادعاء ایدن کیسه ایله (بلکه صامش

بلکه هبه ایش بلکه آزاد) هرجهتدن مجادله ایلر . آبق طتوب

صاحبنه تسلیم ایدن کیسه جعله مستحق در یعنی خدمتی بدلنده اجرت

آلور اگر اوچ کونک یولدن چو یروب کتیردیسه قرق درهم جعل آلور

وچوق واز مسافه بوقیاس اوزره تقدیر اولنور واخذ و تسلیمنده چکدیکی

محنت و عنا بدلتی محکمه تقدیر ایدر

(آبل)

(۱) عربی . جایر اوتلامغله صودن مستغنی اولان حیوان . دوه

و قیون مصلمتلرنده استاد ماهر آدمه دخی آبل دیرلر .

(۲) حص قضاسنده برقریه (۳) نابلس ده بر محل اسمی .

(۴) آبل الزيت اردن قر بنده بر موضع (۵) آبل السوق دمشق ده برقریه حسین بن عامر المقری الابلی اورایه منسوب
* آبل *

اونبشخی قرن میلادی ده لوثرایله معاصر وآنک کی خرسیتانلق مجدی
عد اولنان پروتستانت رؤساندن (پروتستانت کله سنه)
* آبل *

TDV İSAM
Kütüphanesi Arşivi
No 24.889

لام مشدده ایله . میلاددن ۴۶۰ سال اقدم برمشهور رسام از میرده
ودیکر روایته کوره قوش اطه سنده طوغمش اسکندر اکبره معاصر وملاق
عمر نده هیچ برکونی رسمه چالش مقسزین یکم ماش تار یخارده میر قومک
آنارندن اولوق اوزره چوق مصنع رسم لوحه لری مذکور ایسه ده شمدی
ذکر نده بر فائده یوق بو کون بر اثری باقی و معلوم دکل
* آبل *

بتشدید اللام . خرسیتانلقده آپلیست دینلان مذهبک رئیس و متبوعی
بودات خرسیتانلرک اللرنده موجود اولان کتب توراتی و کتب حواریونی
رد و انکار ایلدی

* آپلیقون *

میلاددن ایکی قرن اقدم مشائیوندن بر فیلسوف مر قومک آتنده مکل
کتبخانه سی توارنج عتیقه ده مشهور در روما سرداری سیلا بو کتبخانه بی
رومایه نقل ایتش

* آبلو *

ترکی . بحر یه اصطلاحاتندن . کی نك شول یلکن ایبی که روزکاره یاقلا شوق
ایچون انکله یلکنی قالدیر لر ایندیر لر
* آبلوقه *

محاصره . فی الاصل کثوس لسانندن مأخوذ « بلوق » شکل دائره
دیک اولوب محاصره اطراف اعدایی قوشادوب صارمقله اولاجندن

دائریه تشبیه اولنهرق تشبیه . اسکی زمانده آبلوقه ایتدکلی محل
اطرافنه خط استحکام چکر لردی شمدی بوتدیر نادر چونکه
یکی آلات ناریه وسفائن جدیدیه مخصوص تعلیمات اولیه خط ترتیبی
ایجاب ایتدیرمز اوزاقدن دخی اورر وقوغالاریتیشور . نار یخ جه قیده
شایان محاصره لر انقون (۱۲۱۴ هجری) جنویز (۱۲۱۵) پامیلون (۱۲۲۹)
آبلوقه لیدر که هر بری آلتی ماه سورمش آبلوقه دن مراد دشمنی طشره
صالی ویرمک و خارجدن اعانه بی کسمک و بالجمله محاصره اولنان محلی
تضییق ایله ضبط ایلمک یاخود تکلیفی قبول ایتدیرمک در بناء علیه
بر محلی محاصره ایدن دونما طرفندن دوست کیلری وقره ده ایسه ادخالات
تحری اولنور یعنی معاهده دولیه ایجا بنجه بی طرف دول کیلری و تجاری
محاصره اولنان محله کیروب چیقوب تجارت ایده بیلکه صلاحیتلری
وارایسه ده باروت و سلاح و کلوه کبی دشمنه یارایه حق برشی
طاشیمالاری ایچون محاصر طرفندن تجسس حکمی دستور العمل در

عجیب دکل کی که حالاً زمانه مزده بی طرف دول طرفین محاریندن برینک
دونماسنه معدن کوری صامق و طاشیق ممنوع دکل قالدی که شمدی محاربات
بحر یه نك الك بیوک سلاحی کورد در فی ۳۰ مارت ۱۸۵۶ (شعبان ۱۲۷۲)
پارس قونقره سنک قراری مقتضاسنجه بی طرف دولتر برحکک آبلوقه
اولندیغنی اولوقت طانور لر که یعنی آبلوقه احکامنه اولزمان تابع اولور لر که
اومحل بالفعل محاصره اولمش اوله (محاصره کله سنه)

* آبله *

فارسی (۱) قبه لی چیان . بدنن بر محل احتراق یاخود تضییق شدید
ویا چوقه سورتمک عقینده جلد ایله بشره پیننده بعض ایرین پیدا
اولور که بو ایرین اومحلی قبارتور قبه لی چیان و آبله دیدیکمز بوندن
عبارت در علاجه اخر اجه یعنی آچوب هپ ایرینی طشره اخراج
ایدنجه دک ایشتملی (۲) صوقبار جقلری

آبلی *

تری . بحریه اصطلاحی . یلکنی سرنه صراجق ایپ

آبلیته *

آبلیسه . فارسی . اکچی یعنی تار لایه تخم اکن (اکک واکچی کله لرینه)

آبلین *

۱۶ قرن میلادیده آلمان و لاتین لسانلرنده کاتب و مورخ مشهور

استراسبرغلی جان فلیپ . لاتین لساننده هندشمرقی تاینچی معروف در .

آب *

صاحب وزنده عربی . قوری یابس طعام

آبناقی *

بانک قحیله . آمریقای شمالی پرلیرندن یناپ طاقندن برقوم اسمی .
برقوم حالیا ممالک متفقہ شمالنده مو حیقان و مو حاقوق فاملیالریله مختلط
بولنه یورلر

آبندون *

بامفتوح نون ساکن جرجانده برقریه

آبنوس *

یونانی همزمنک قحیله ابنوس . غایتسرت و آغرواک اعلا چلابی قابل
معلوم اغاج در سیاه وقیرمزی ویشیل زینکرده بولنور سیاه آبنوس ساج
دیدیکمز اغاج دن در (سیاتی) آفریقاده ماداغا شقار وسنت موریز آطه لرنده
بو اغاجلر چوق در اسکی زمانده ابنوس دن طبله و چکمجه و هر درلو
دوشمهه یابغه چوق اعتناء اولتوردی شمیدیلرده بو اعتناء یوق در چونکه
بشقه اغاجلر ابنوسک کوستره جکی زینتک یرینی طومش در و شمیدی
صنعتله عادی کراز ویشنه اغاجلرینی سیاه بو یایوب او یله جلا و یرلرکه
ابنوس کی کورینور

آبنوس اغاجی *

انواع کثیره سی واردر (دیوسپروس کله سنه مراجعت)
منطقه حاره تحتنده آمریقا و افریقا و آسیاده خصوصاً هندستانده نبات
اوزون اغاجلر در بو اغاجلرک آمریقاده و آسیاده یتشدکلری موافقک
درجات وطبایعنه نظراً بمهم حال صعیدا ایچنده هله حبش ده دخی بولنمسی
لازم کلور لکن بو کونه دک اهل نباتاته معلوم دکل غالباً اورا لرایوجه
آرانامش در . اک اعلا ابنوس اغاجی سرندیبده و ماداغا شقارده در
ابنوس اشچارندن بش نوع اغاج وارکه میوه و یرر و بومیوه اکل اوانور
بولنرک مشهوری «قاقی» دیدکلری در که چین و یاپون اهلایسی قوریدوب
شکر عقیده سی کی یرر بو اغاجی انکلیرلر قالکوتده نباتات بغمه سنده
یتشد یردیله . بری دخی افریقا جنوبنده و کذا اورو یا جنوبنده خصوصاً
اسویچره ده یتیشان ابنوس اغاجی در میوه سی عادتاً قایسی قدر اولور
بو اغاجک برمیوه لی دالی بروجه زیر رسم اولندی



۴ اولش و تخمه وارمش میوه سنک رسم صغیری

۱ چچک ۲ یارلش آچلمش صورتی ۳ چچک قیوخی


* آبنین *

بانگ فتحيله ساخلى آلت طاغلوندن جنوز شمائنده آريلوب بتون ايتالياني شمال شرقى دن جنوب غربى يه طوغرى قوشادان جنال متسلسله بو طاغك ارتفاع متوسطى ۱۵۰۰ زراع در مشهور ذروه لرى واردر جهت غربى ده وتوزدپه سى كه اسكى تاريخلرده فيسه فوس يازدقلر اولاجق ۳۳۰۰ ذراع مرتفع در

TDVISAM
Kütüphanesi Arşivi
No 24.833

* آبو *

فارسي . نيلوفر چيچكي (نوفر) كل سوسنى . بياضى و صايريسى و ماويسى اولور . آبو عصاره سى مازو خلاصه سنده كى حامض ماده پى حاوى اولديغندن قابض در قوقوسى مغتر اعصاب لكن خفيف . ياراغى مصلح جراحت در



* آق نيلوفر *

* آبو *

- (۱) روسيه ده بوئنى كورفزيه فنلانديننده ۵۰۰۰۰۰ نفوسلى برقطعه در
- فى ۱۸۰۹ ميلادى (۱۲۲۴) باقى فنلاندا ايله روسيه يه بچدى
- (۲) آبو شهرى . آبو قطعه سنك مر كزى اليوم ۱۸۰۰۰ نفوسلى

- (۳) آبوليمانى (۴) آبو مصالحه نى فى ۱۷۴۳ (۱۱۵۶) روسيه ايله
- اسوچ پيننده بو قطعه يه دائر امضاء اولنان معاهده
- (۵) آبو آطه لرى آبو شهرينك قارشوسنده كى جزائر

* آبو *

بوسنده برده نك قديم اسمى

* آبوز *


- (۱) انكلترده هومبر نهرينك لاتين لساننده اسمى
- (۲) آسياده برطاغ اسم قديمى كه آرس وفرات چايلرينك منبعى اوراده در . اوروياليلر چغرا افيالرنده بو طاغى شمديكى « قبان طاغى » اولوق اوزره كوسترلر واقعا قبان صويى آرس چايته قاريشور لكن قبان ايالت كنجده در آرس و هم فرات منبع لرى بو طاغده اولوق فصل صحیح اولور بن ديرم كه « آبوز » آرس وفرات منبعى اولنجه ارضروم ولايتنده ييك كول طاغلرى اولوق لازم كلور

* آپوس *

بحارستانده قاراچ دره سنك اسم قديمى

* آبوشلدن *

تور كجه بوشالدين بگمه سندن محرف و معرب . طالعج قوش . غدا سى بالقدر خصوصاً لوفر نوعندن رنگه دينلان بالغى يير . صوايچنه طالبوب بالغى ياقالار بالق راست كك تيرمد كده بحرى سبزه ايله كچينور يوواسنى دره كئارلرنده قامشلقده ييار حتى دره جوشدقده يوواسى صواوسته قالقار ايكي ييورطلار . اسويچره ده و الما ياده و فرانسده بلورى ايكن كورينور بورالرده قارتى كورلش دكل . اسوچ و نوروج و روسيه ده آنجلورى كوريلور



TDV ISAM
Kütüphanesi Arşivi
No ۵۴.۸۳۸

آوشلدن

﴿ آوقاليس ﴾

كله في الاصل يوناني دن مأخوذ وحى والهام معناسنه اولقله يوحناك
في ۹۵ سال ميلادی اویدردیغی انجیله علم اولش . خرسیتانلرك اعتقادنجه
یوحنا پاتموسه نفی اولندیغی وقت اوراده کندوسنه بوانجیل الهام اولمش
بوانجیل معناسز برچوق تعبیرات واصطلاحا تن عبارت درکه
خرسیتانلرجه تصوف ورموزات عد اولنوب اوزرینه بیکلرجه شرحلر
وحاشیه لر دوشهرك تأویله چالشمشلردر (انجیل کله سنه مراجعت)

﴿ آوقریزیر ﴾

آخرنده کی « یر » یلك ققحه سیله یونانی دن (۱) دولت شرقیه روم ده
تبلیغ یرلیغ منصبی ایدی (بعد ۴۰۰ سال میلادی) بو تبلیغ مأموریتی ایچون
صنف مخصوص اولوب رئیس لرینه « یسوک آوقریزیر » دیرلردی که

شمدیکی حامل مهر دولت مر تبه سی اولوب متبوعنك حکمنی تبلیغ ایلردی
(۲) پایا طرفندن اسکی استانبول روم دولتی نزدینه بعث اولنان
مرخص عنوانی ایدی صکره لری هر دولت نزدینه کی یا پامبعونلرینه تعیم
اولندی ﴿ آوقریف ﴾

یونانیدن مکتوم معناسنه . اورو بالیر اصطلاحنده مصنفی نامعلوم
یاخوذ موهوم ومندرجاتنك صحتی مشکوک کتابه دیرلر .
بو قیلدن کتاب پک چوق در مثلا هجر تن ۵۰۰ سال اقدم اسکندریه ده
یا بلش صحف آدم وانجیل حوا و کتاب شیت ونصایح نوح
وصحف ابراهیم ووصایای اثنی عشر و دیگر کتابلر و بعض انجیللر
بومقوله دن در کذلک ایات مذهبه فیثاغورس و اشعار اورفه و دیگر .
زده دخی بومقوله کتاب خیلی واردر جمله دن بری « فقه اکبر » که
امام اعظم حضرتنه اسناد اولنور بوکا اینانلماز چونکه (۱) ابومطیع
بلخی دن بشقه بویله فقه اکبر روایت ایدن یوق . امام اولان
ذاتک عقائد دن اثری او یله خبر و احده می قالور بیکلرجه عقائد مؤلفلری
فلان شو یله دیدی فلان بویله دیدی دیو اوته کینک بریکی نك کلا تله
استشهاد ایده گلشلر کن امام اعظمک بویله بر کتابی اولایدی آندن
استشهاد ایتمکی احسن کورلردی .

(۲) ثانیا ملیونلرجه نفوسک امام اتخان ایتدیکی بر ذات عالی عقائد دن
کتاب تألیف ایتمش اولایدی یدی سکز یوز سنه غیر معلوم اوله رق نصل
قالوردی زپرا امام اعظم فی سنه ۱۵۰ وفات ایتدی فقه اکبر شرحلرینک
الکاسکیسی ایسه طقوز یوز دن صکره در هر بولدقلرینی شرح و تحشیه یه
حریرص اولان اسلام علماسی اماملرینک خصوصاً اساس دینی مین
بر اثرینه سکز یوز سنه فک دهان ایتمسونلر و تحریک خامه ایلمسونلر بونی
قنغی عقل قبول ایدر و علی الخصوص امام محمد که امام اعظمک شاکردی
اولوب استنادینک هیچ برقولنی ضایع ایتمدی قید و روایت ایلدی و مدت

عمری تألیف و تحریر ایله کچدی بو ذات شرکاسنک اقوالنی دخی تسطیر ایلیشکن خواجه سنک فقه اکر کتابنه دائر نیچون بزرگه سولیلدی .

(۳) ثالثا فقه اکبر دینلان کتابی بزرگه دقتلی مطالعه ایندیکن عقلیات سمعیاته و سمعیات عقلیاته یعنی الهیات و نبوات بر برینه فارما قاریشق بر ترتیبده اولدیغندن بشقه عباره سقیم معنا غیر مستقیم بر اسلوبده در بویله بر اثر امام کبی علامه یه نصل اسناد اولنو

(۴) بو کتابک افاده لرنده اولان سوء ادب نه در امام اعظمه نصل اسناد اولنور مثلا یازیور که « ورسول الله مات علی الایمان » یعنی اللهم رسولی محمد ایمان ایله اولدی نه دیک برذاته اللهم رسولی دیدکن صکره ایمان ایله اولدی یعنی صوک نفسده کافر اولمادی کبی بر تعیر ایتمک امام اعظمک اثر و ادب موجودینه نصل نسبت قبول ایدر .

شویسان ایتدیکن مسئله بعض علمایه خفی قالمادی حتی ابن حجر فتاوا سنده کتاب مزبور دن « ووالدا رسول الله ما نا علی الکفر » مقولی اوزرینه بحث ایدرکن دیدی که بو عباره لر ابوحنیفه نعمان بخاری ک در یوقسه ابوحنیفه نعمان کوفینک دکل یعنی امام اعظمک دکل در .

امام شافعی یه اسناد اولنان فقه اکبر دخی اسناد مالم یکن قیلندن اولوب بعض علمانک تألیفی اولدیغنی اسامیء کتبده ظن غالب اولارق بیان ایلر

﴿ آوقوبنا ﴾

آفریقاده عجان ساحلنده بندل شهرینک اسم قدیمی صغیر و کیر دیو معروف ایکی بلده ایدی . کله فی الاصل عربی دن محرفه بکرز بونلر و قتله بیوک شهر لر ایدی

﴿ آبولدا ﴾

المانیاده و عیار ساقسونیا دوقه لغنده بر شهر در منابع معدنیه سنک کثرت و ثروتی و چوراب مصانعی مشهور در ۷۷۲۲ سکنه سی وار

﴿ آپولو ﴾

فی الاصل یهودی اولوب میلادک ۵۶ سالنده خرستیانلنی تصاحب ایتدی قوش آطه سنده و قورینتوس ده وعظ ایدرک برصیت قرانمش که نصارا نزننده بونک منزله سی حواری و نندن پطرس و پاولوس مرتبه لرنده در ﴿ آپولودور ﴾

(۱) برنجی قرن میلادیده شاملی معمار مشهور قیصر تراجان امریله هیاکل عظیمه بناء ایلدی ازان جله طونه اوزرینه پایدیغنی جسر عظیم تار بخلرده تشهر اولمش در هر قومی قیصر آدریان اعدام ایتدی

(۲) درنجی قرن میلادیده آتنلی مصور مشهور تصویرده رنگری بر برینه خلط و اشاغی دن کوسترمه و اطلال ممدوده اثارینه تقلید صنعتلرینی بولان و یایان برنجی نقاش در

﴿ آپولون ﴾

فوز : النور اساطیرنده رب الشمس والضیاء والصناعات والادبیه والطب . النورلر آپولون نامنی تقدیسایک چوق معابد و مکاهن انشاء ایتیلریدی اکر مشهوری دلفوس مکهنده سی اولوب « پیتیا » بلعه سی اوراده ایدی (اساطیر اولین کله سنه مراجعت)

﴿ آپولونیا ﴾

اپولونیا اسمیله تورانج عتیقه ده چوق محل واردر - اناطولیده قره سی سنجاغنده و ادرمید قر بنده حالا اسمی ابولونوت - اناطولیده برغه جنوبنده بر شهر ایدی - روم ایلی ده سلانیک جنوبنده بر شهر ایوم اسمی پالو حوری - اناطولیده قونیه ده واقشهر قضاسنده بر شهر بعض جغرافیا لرده مورید یوم اسمیله کوریلور - قره دکزک روم ایلی جهتنده حالیا سیره بولی - تکه سنجاغنده بر شهر ایدی - فلسطین ده عرسوف نام محل - افریقادن برقه ده ایوم مر ساسوسه - کرینده اپولونیا - و آپولونیا اسمیله دها چوق مملکتلر و ارایدیه ده بعضیسنه اشارت اولندیغنی

وجهله اسمیری دکشمش اولدیغندن محالزنده اسامیء جدیده لریله ذکر اولنور
* آپولونیوس پرغوی *

مسقط رأسی پرغایه نسبتله معروف در پرغا حالیا قره حصار در میلاددن
۲۰۵ سال اقدم اسکندریه حکماسندن معدود برمههندس قطوع مخروطیات
خواصنی حل ایش در مؤلفاتی اورویا لسانلرنده موجود و مطبوع اولوب
عربی یه ترجمه سی معلوم دکل در

* آپولونیوس ردوسی *

ردوش اطه سنه منسوب ۰ میلاددن ۲۰۰ سال اقدم معمار مشهور ۰ مر قومک
اثر عجیبی اولان «طورو - فارس» عنوانیله معروف صور مجسمه حالیا
نابلی نمونه خانه سنده محفوظدر

TDV İSAM
Kütüphanesi Arşivi
No 22.859

* آپولین *

خرستیانلرک اولیاسندن معدود اسکندریه لی بکر شهیده فی ۲۸۴ سال میلادی
اسکندریه ده نصاریه قتل عام ایلدکلرنده بونی دخی یا قالا دیلر جزاء
ایچون حاضر لادقلمی آتسه مر قومه کندی کنینی دین اغورینه آتمش
خرستیانلر بوکونه قدر هر شباطک طقوز بی کونی آنک ایچون یورطی ابدلر
* آپولینز *

فرانسه ده دیترون کویلرندن حالا ۲۶۱ نفوسلی برقریه در لکن مقبما
بیوک و مشهور محل ایش فی ۱۵۱۳ و کذا ۱۶۱۲ میلادی (۹۱۹ و ۱۰۲۱)
اسویچره لولر دیترونی محاصره ایلدکلرنده خراب ایشلر آثار باقیه سندن
مربع برقله سی حالا مشاهده اولنور

* آپولیون *

آپولونیا (۱) اناطولیده بروسه دن سکز طقوز ساعت جنوب شرقی ده
و کشیش طاغی دیننده معروف کول (۲) مذکور کول اوزرنده برقصه
۲۰۰۰ قدر سکنه سی وار بوراسی قدیما «آپولونیا اد ریندا کوم» اسمیله
معروف ایدی ۰ آپولیون اسمی بوندن محرقه بکر

* آبه *

۱ اصفهان قراسندن برقریه ۲ ساره قر بنده برقصه که عوام «آوه»
دیرل ۳ مصرده بهنسا قضاسنده برقریه علاماذکره القاضی اسماعیل

* آبی *


بطلمیوس جغرافیا سنده بیاننه کوره ترکستان مستقل قبائلندن برقوم ترک

* آیات *

اسپانیا ایله فرانسه حدودنده آسی نام قطعه ده ساکن برقوم قدیم اسمی

* آیدوس *

(۱) آسیاده چناق قلعه بوغازنده برقدیم شهر اسمی بو شهر شمیدی
نغاره بونی دیدیکمز رده ایدی کیانیا فرسدن شیرشه میلاددن ۴۸۰
سال اقدم آسیادن اورویا یه کیمک ایچون اورادن قارشوده سستوسه
(بوغالی قلعه سی) کوپری قورمشیدی



(۲) مصرده بر شهر قدیم ایدی شه شهرندن صکر اک قدیم بلد

آیدوس اولدینی آثار عتیقه دن مستفاد در مؤخر قوم الشده قلمش
 حالیا «مدفونه» در اسطرابون وقتنده برکوک قصبه قاهره ق موجود
 ایش . آیدوسده یروغلیف دیلان اشکال ایله آثار عتیقه چوق
 بولمیش در خصوصاً ۱۸۱۸ میلادی اوزرنده فراغه القابی یازیلی برطاش
 لوحه بولمشلرکه ایوم لوندره نمونه خانه سنده کوریلور

TDV İSAM
 Kütüphanesi Arşivi

No 24.833

﴿ آیز ﴾

(۱) آپی . عافی . قدمای مصر یونک طایندقلری اوکوز . اسکی قبطلر
 درت اوکوز مقدس عد ایدرلر و بولره «منوی یازی عونوفی
 آیز» تسمیه ایدرلردی لکن هر اوکوز تعبده مستحق اولایوب الحق
 زعلرنجه بعض نشانه لری اولان معبود اتخاذا اولوردی مثلا آیز
 شول اوکوزدرکه کمالا سیاه اوله ققط ناصیه سنده مربع الشکل غره
 یعنی بیاض نشان وصاغ جنبده هلالی بیاض بولنه بولشانلری اولان
 اوکوزه تعبده ۲۵ سنه یه محدود ایدی ۲۵ سنه ختامنده آیزی نیل ده
 بوغوب قالینی بعد التحنیط منف معبدنده (سراپوم) دفن ایدرلر
 و بشقه سنی ارارلردی بو اوکوزه عجبا نیچون طیارلردی مصر یلر زعم
 ایدرلردی که ارباب ایاقلا نوب رب اکبر ایله (زفس) محاربه ایتمشلر
 بوزلدقلرنده هپسی مصره صاوشمشلر و هر بری کنسینی رب اکبردن
 اخفاء نیچون بر صورتیه کیرمش او آرالق اربابدن «عوزیر» اوکوز صورتیه
 کیرمش بناء علیه اوکوزه طیارلر و او یله علامتلی اوکوزی «عوزیر» ک
 متالنه دال عد ایدرلردی . آنلره کوره «ایزی» عوزیرک زوجه سی اولوب
 مصر یلری زراعتیه مظهر قیلش و «عوزیر» شه یینی وضع ایش
 و آیین عبادت تنظیم ایش و نکاحی تأسیس و خط و صنائعی تعلیم و مدنیت
 و تربیه یی نشر ایتمش اسطیر اولین دن اکثر یسنگ اصلی هاروت و ماروت
 قیلندن یعنی رموز اولندن اولدیغندن غالباً بو ایزی و عوزیر و آیز اصلی
 شمس نیل چفت هر بیان زراعتیه اشارت در شو یله که نیل ارض مصری

اسقاء ايدر او كوز تارلازى سورر شمس اراضى يه تجلى ايله انبات ايلرده
زراعت ميسر اولور كه زراعتله ثروت و مدنيت و علوم و صنايع كشف
اولنور . حاصللى اسكى مصريلر مرييان زراعتى تشخيص و تجسيم
ايلپوب تعبه قدر تعظيم ايتديلر ديمك اولور

بوندن ۲۰ سال اقدم منفده آيز مزارى و انده خيلى آثار عتيقه
كشف ايلديلر اورو يا علماسى بوا تارده اولان خطوط و اشارتى حله
يدى ييل قدر اوغرا شوب اولدخه حل ايله شرح ايتديلر

(۲) آيز . اساطير النوزده مورده آرغوس قرالى نك اسمى . بوكا
نسبتله مورده قطعه سنه قديم «آياتلوس» ديناور ايش كه ارض آيز معنا سنه

﴿ آيل ﴾

TDV İSAM
Kütüphanesi Arşivi
No 3E.899

زوزان ناحيه سنده اكراد بختيه قلعه لرندن

﴿ آت ﴾

درت اياقلى مركب معلوم كه علم حيوانات ده بر يارمقلى برطن ناقلى
نوع حيوانات اكا ارجاع اولنور غداسى نباتات منظره سى كوزل
كوزلى باشنه برابر قولاقلى بيوك و متحرك و وينوز يرنده . برون دلكرى
ككشجه آچيق تيشلرى ۴۲ عدد كه اوستده ۶ اوكتيش ۱۴ يان (طواحين)
آزو و آلتدمه اوكت ۱۲ يان ۲ آزو اوكت تيشلره يانلر ارسند بزاز بوشلق
واردر كه كلك و كم پرى ديناور كم اورايه كچر قصراق ده آزو تيش يوق در
آتك عمرى ۳۰ سال در ياشى تيشلرندن بللور شويله كه آتى آيلىق ايكن
اوكت تيشلرى چيقار ايكي بچق ياشنده ايلروى تيشلر يوقارو طرفلرينك
اورته لرندن چقورلنور اوچ بچق ياشنده آزالق تيشلر چقورلنور و آلت
چنده آزولرى چيقار درت بچق ياشنده اوست آزولر چيقار و سكر
باشنه قدر تيشلر نده كى چقورلر ك درينلكنندن وكذا اوكت و آزو تيشلر ك
طولندن ورنكندن معلوم اولور سكر دن صكره ينه تيشلر ك اشكال والوانندن
استدلال ايديلور سه ده تخمى در برده برونك ايچروسنده ايكي پارمق

یوقاروده بردلیک اولوب ائک ککشله سیله دخی تخمین اولنور
 مطلقا آت جنسی فی الاصل اسیای بالایه وافریقای شرقیه مخصوص در
 بوخسندن فقط ات واشک دیدیکمز معلوم حیوانلر اهلی اولمش در باقیسی
 وحشی در (بیان آتلی و اشکلری بوقاموس ده اسملریله و رسملریله
 مذکوردر) شوفرس اهلی عن اصل "تاتارستاندن کلمش مؤخر اهر طرفده
 اورده دلش در حتی آمریقا کشف اولندیغی وقت اورده هیچ یوغیدی
 مؤخر اسپانیولدن کچیریلوب اورده دلدی که بوکون امریقا ده اون بیک قدر
 موجوددر

آت کله سنی بزبوراده خیل معناسنه قولاندق اصطلاح ده اکثریا
 آت دیندکده ارکی مراد اولنور اخصا اولمشسه ایغدیش دیرلر و دیشینه
 قصر اق دینور

آتک سنه و یاپوسنه وسیرینه و تحملنه و رنگه و اشارتیرینه کوره عربی
 و ترکی لسانلرده اسامی کثیره سی وارد عربی اسملر لهجه ده و لهجه ده
 تعداد اولمش در

لسان ترکی ده برقاچ آیلق ایکن «قولون» دیرلر که صکره اوچ
 یاشنه قدر «طای» و درت یاشنده «غونان» بشنده «دونان» التي سنه
 «تولان» و نهایت اختیارلرده «چیراوان» دیرلر قوی آت تالو
 ضعیف یابو چایقون آت ارغماق دومان کوز آت تو بوجاق ایجه قورو
 آت یکه تسمیه قنور

خیله اعمال شاقه دن و یاغدا سنه ایوجه باقلماقدن نیچه امراض عارض
 اولور حتی بو امراضی تشخیص ایله دواء و علاج ایتمک فن مخصوص
 اولمش در «بیطره» تسمیه قنور شبهه یوق که خیله متواتر امراض
 شدیدیه کتیرن وظیفه حرب در زیر محاربه ده آتک کرفتار اوله جفی مشی
 قهقری و طول مسافه و تبدیل هوا و مکان و غذا و بالجمله تعب و محنت مغیر
 صحت در بنا برین محاربه ده خیله باق و مداوات بیطره دن فرع مخصوص

اولارق بیطره جهاده عنوانیله فن مستقل کبی تدوین اولمش در
 (بیطره کله سنه)

بو حیوانک ایتدیکی خدمتله هر کسک معلومی در تعجب اولنور که
 انسانلر قدرینی بیلیوب دو کولر سو کولر چوق یوکتورلر لکن بعض
 درجه مدنیته یی مملکتلرده بو حیوانه ظلمدن و فوق الطاقه تحمیلدن حکومت
 منع و جزایلرنته که فرانسه ده بوزجر قانون مخصوص ایله مقرردر
 (امر ضابطه فی ۲ تموز ۱۸۵۰)


خیل اولدکن صکره ده چوق ایشه یاران قیلی و یله سی نسج اولنور
 تویی خام ایپک کبی عبا اعملنه صالح در در یسندن ایاق قابی یا ییلور اتی
 کوبره اولور بغر صاقلرندن پک قوی طوتقال و یککلرندن قاره بو یا اولور
 هر ملت دیننده و فقه اسلامی ده آتی و سوزی ظاهر در فقه ده اگلی مناسب
 کورلدیکی گرا هتندن اولمایوب گرا متندن لکن "تاتارستانده چوق اولدیغندن
 اکل ایدرلر و اورونانک بعض یرلرنده نفوس کثیره یی اعاشه ایچون ذبح
 و یعنی منع ایتمزلر حتی فرانسه ده آت قصابلرینه رسمارخصت و یرلش در
 (فی ۹ حیران ۱۸۶۶)

قدمای صابنه زعمجه جنک اتلری مر یخه موقوف و فدا ایدی و مر یخ
 صحنی علامت حرب کوستره جنک صورنده ایدی عجا بومشیرکین
 اصطلاحندن می کلدی که ترکلر مر یخ ییلدی زینه «فلکک جلادی» دیرلر
 اسکی انوز و فرس آتی شمسه قربان ایدرلردی اسکی فرسک «سریع السیردر
 سریع السیره قربان اولنور» دیدکلرینی هر و دو ط یازار انوز شعر اسنه
 کوره شمسک عربیه سی اولوب درت ات ایله چکیلورمش بودرندن هر برینه
 اسملر و حکایه لر اویدر دیرلر شمسی بزات کله سیله ترکیب اولنان اسامی
 و اصطلاحاتی ذکر ایده جکر

TDV İSAM
 Kütüphanesi Arşivi
 No 24833

آت بالفی ❁ (۱) عربی ده دخی فرس الماء دینور اور و بالسانلر نه هیپو یوطام

دیرلکه فی الاصل یونانی دن دره آتی معناسنه در جنوب افریقاده دره ایچنده تعیش ایدر درت ایاقلی عظیم جته لی و ثقیل بنیه لی بر حیوان در عادتاً برآت بالغی ۱۵۰۰ او قه دن آغر در



TDV İSAM
Kütüphanesi Arşivi
No 22.839

آت بالغی

طولی ۴ متر و ارتفاعی ۱٫۶۰ متر قدر ایاقده ایکن قارنی همان یره یقین در دریسی قرامتراق و همان تویسزکی فقط قویروغنی قیلای تغوطا ایدرکن قویروغنی سرعتله تحریک ایلدیکندن اطرافه پیسلاک صایار نباتات و بالقی یر دایما درمک اورتالرنده طور و بعضا طالب دیگر حیوانلردن چو قه صو ایچنده طیانور فقط کچه لری صودن حیقوب شکر قامشی و برنج و طاری صایبری یر

فرانسه ده پارس حیوانات بفعه سنده بو حیوان موجود در برنجی دفعه پارسه کترین موسیو «دلایروت» نام ذات در (۱۸۵۳)

اور و یاده علم حیوانات علماسنه لایقیله معلوم اولان آت بالغی «هیپوپوٹام آمفی» دینلان نوع در بو حیوان یومشاق و احق در فقط قیرنجه پک قور قنج اولور افریقا جنوبنده چقوره دشورمکله صید ایدرلر اوق و تفنگ ایله دخی اورلر اما بوشکار چوق تهلکه لی چونکه دریسی پک قالین اولدیغندن قورشون ایشلن یالکز قارننه و ایلوقلرینه تأثیر ایده ییلور حیوان ایسه پک قوتلی اولدیغندن اورولما یوبده حله ایده چک اولورسه خلاص مشکل در لحمی صخته نافع و بسلر و سهل الهضم دریسی

قالین اولدیغندن چوق ایشلره یارار تیشی عادتاً فیل تیشی کبی عاج در فرق یبله اولماز فیل تیشی کبی قیتلور در خصوصاً یایمه تیشلر ایچون رغبتلی در (۲) آت بالغی بحر منجمد شمالیده بولنور برنوع ذکر مخلوق که اکثر لسانلرده ذکر صغیری نسیمه اولنور (صغیر کله سنه)

(۳) قدما ی مشرکین اساطیرنده هیپوپوٹاموس دیدکلری دکر حیوانی که کویا باش طرفی آت و قیج طرفی بالقی یایوسنده اولورمش شمعی حیوانات علماسی بو اسکی ماصال ات بالغی بیاغی بیونی مشاهده اولنور اوزون بالقارله تفسیر ایدیورلر که آق دکر ده چوق بولنور اینجه و یارم زراع مقداری اوپ اوزون بالقی در اکثر لسانلرده «دکر ایکنه سی» دیرلر

آت بازاری * هر مملکت ده آت صایلوب آنسان چارسویه دینور و استاجولده فاتح جوارنده آت بازار، معلوم در


آت تربیه سی * (۱) فن مخصوص در شویله که طبای ایکن آرپه یا بغدادی یا خود یولاف اوننی ایلیچاق صوده ازوب بولما چ بیدیرلر و اوج یاشندن اوج بیچق یاشنه دک تعلیم ایدرلر مثلا کونده ایکی اوج ساعت خفیف اگر اورلر و آغزینه قنطارمه طاقارلر و نعله الشدیرلر و یالکزیدوب یوریدرلر قوشدیرلر درت یاشنه کیرنجه بزلر اما برتربیه لی آت اش ایدرلر تاکه کامه و مهمازه الشدیرلر و تربیه سی تمام اولما اینجه نه آرپه یه نه صماه صالازلر (۲) عربه بارکریک دیزکینه دیرلر

آت جابازی * (۱) آت الوب صانلردر اما بولر دلالدن بشقه جه در حیوان صاتمق ایچون صنائع مشوعه لری وارد در (۲) آت اوینادان جانبازدر که فاس عربلری بوجان بازلقده ماهرلر و اور و یاده فن مخصوص در یقینلرده استانبولده دخی کدک پاشاده آچلمشیدی

آب طاقی * ترکیه • چیلبر قوشقون قنطاریه توفک طوقه طاق
چارلق اولار چاغ حنا چلک و دیگر

آب طورپی * نبات : بیان طورپی : اشک طورپی : عاشق اوتی :
باغینک و طورینک رسمی شودر

TDV İSAM
Kütüphanesi Arşivi
No 28.899



باغی تیشیل و کیمی نك دوز اولور چيچيکي صاری و بعضی بیاض
؟ تخم کيسه سی آچار . اکی اشتهای آچار و طعمی هضم ایتدیرر بوسبیدن
اورو بالیلر خصوصاً انکلیرلر صغیر اتنی بونکله بیرلر

آت سسکی * ایری سسکه بکرز معلوم مکس درکه باشی باصیق بدنی عریض
و آرتوبلی و قویوزمین اوزده قیر و بیاض نقطه لر و کیمی قارا متراق بنکلر ایله
نیشیلی درقارنی باصیق و مثلث شکل و قنادلری ایکی طرفدن افاق اولارق
مسو طدر « عادی آت سسکی » اکا دیرلر که اوستی قارامتراق و قیاد لر ایله

قارنی صاری و کوزلری یشیل اولور بوسکک آبه و صغیره قونار درینی ذلوب
قانی او یله قوتله امر که حیوانلر اچیسنه تحمل ایده مز لر خصوصاً
بارکیرک قیچنده دریسی یوقه اولان یرله تسلط ایدر بارکیر و صغیر بوندن
اورتبه قورقارلر که شمانه سیله اوچارکن کوردکلری کبی اورکرلر بعضاً
قیرارلرده ضبط اولماز اولورلر حار بوسککک اچیسنه هیچ تحمل
ایده مز آت سسکی زیتون یاغی قوقسنی سومز بارکیرک یوقه دریلرینه
زیتون یاغی سورمک فی الجمله چاره در

آت سولوی * قرنی التي صار متراق الاجه یانی سیولوک (سولوک کله سنه)

آت قوتی * بارکیر قوتی علم محاتیق ده الات بخاریه قوتنک درجه لرینی
تعریف ایچون قوللانیلور اصطلاح در برآت قوتی دیندکده شول آت
بخاریه قوتی مراد اولنور که ثانیه ده ۷۵ کیلوگرام ثقلی (۶۲ قبه تقریباً)
برمتر ارتفاعه قالدیره یله اشته بومقدارده قوت اساس حساب عدا اولنوب
مثلاً اون ات و یکر می آت قوتی و ایور دیرلر که ثانیه ده ۷۵ و ۱۵۰۰
کیلوگرام ثقلی برمتر ارتفاعه قالدیران ماکنه دیمک در

آت قولاغی * ترکیه کنایاتدن در ذوه قولاغی ذوهده قبولاق صغر
و قتلدن کنایه اولدیغی کبی آت قولاغی زوج و چفت دن کنایه در

آت قویروغی * (۱) اسکی عثمانلی پاشارک اوکلر نده بیراق کبی چکیلوردی
برقویروق چکیلور سه پاشایه برتوغلی ایکی چکسه ایکی توغلی اوچ
اولور سه اوچ توغلی پاشا دینوردی (توغ کله سنه) (۲) نباتات ذنب الخیل
یونجه فاملیاسندن بعض یرده « اولامه یونجه » دخی تسمیه قلنان بیانی اوت

آت کستانه سی * معلوم میوه در بنج فقط او کوز و قیون و خصوصا
ات سوه رگ بیرسب بود که ات کستانه سی دینور چوق شیلره نافع بر میوه در
ازان جمله او کودیلوب نشاسته کی از یلسه بجلدرا ایچون اعلا محلی اولور
خیرا یدلسه الری بیاض ایتمک خاصه سندن در وعاد تاموم ترکینه کیرو مومی
بیاضلاتور بو کستانه نك یاغی نقرس و اوجاع مفاصل تسکینی ایچون انفع در
قبوغی ۸ قاربون و ۹ هیدروجن و ۵ اوقزینجن دن ترکیب مناسب
بر مراره در که صباغت و دباغت ده فائده لی در (صاری بویا ایچون) اغاجی
بیاض و یومشاق و لیلی در لکن طوغرامایه و کراسته یه پکده یاراماز بواجاج
فی الاصل آسیایه مخصوص در لکن هر یرده یتشدیریلور حتی بوندن
ایکی یوز الی سال اقدم اورویای غربی ده یوغیکن استانبول دن کتیرلش
و یتشدیرلش

TDVISAM

Kütüphanesi Arşivi

No 2E.895

آت کیدیشی * درت درلودر آیم لنگ اشکین درتله
بونلردن هر برینک انواعی واردر مثلا آچیق آیم قپالی ایچ قورت لنگی
آچیق اشکین قاره اشکین چایه چول کیدیشی درت نعل و دیگر

آتلوبک زاده * سلطان سلیمان ثانی وقتله دالملیچیا حدودنده «قین»
قلعه سنده و ندکلوره فارشو محاربه ایتمکه مأمور ایکن قلعه پی دشمنه
تسلیم ایدن خائن در بوخیانته سبب ایسه مقصدما صدراعظم سیاوش
باشا مر قومی اورایه نی ایتمش اولدیغندن بو یوزدن قلبنده باغلا دیغنی
کینی عدوسنه حصر ایتموب کویا اوج آلق ایچون دشمنه قلعه تسلیمیه
دولته خیانت ایتمدی و عاقبت قتل اولمغله جزاسنی بولدی

آتلوعسکری * سواری . پیاده عسکرک وجودیله برابر آتلونک دخی
لزومی مسلر در آتلوعسکری بوللری کشف ایدر مهماتی محافظه ایلر

مخاپراتی تسهیل ایدر پیاده نك ارقه سنی آلوب دشمن هجومندن جایه ایلر
محاربه وقتله ایسه جناح لری تشکیل ایدر خصوصا حین محاربه ده پیاده پی
کیرو المی ایجاب ایسه آتلور پیاده اوکنه کریلوب دشمنی اشغال ایلسیله
پیاده صف و نظامی بوز میهرق رجعت ایده ییلور و دیگر فوائدی فن حریده
مثبت در . آتلوعسکری ایکی یه منقسم اولوب بزی ثقیل و دیگر سبکبار
در که بزده ثقیله صف سواری و سبکباره اژدر تعییر اولنه یور . آتلوعسکری
اوته دنبرو دولترده موجود ایدی حتی تور اتده فرعونک شاب دکزینه
صالدیردیغنی عسکر سواری اولدیغنی مسطوردر زنفون و پلو تاریخ
روایتلرینه کوره ليقورغوس لاکمونیا لوره سواری عسکر تنظیم ایتمشیدی
بو ایسه میلاد عیسی دن (عم) ۸۸۰ سال اقدم در

اسکی "تارلر و مادیلر و اشکانیان دولترنده آتلوعسکری جمله
عساکرک نصفندن زیاده ایدی اوائل دولت عثمانیه ده دخی بویله ایدی
اوائل اسلامده ایش کورن عسکر و بالجمله اهل شرف غزاة سواری ایدی
عجبا بر دولتک سواریسی پیاده سنه نسبتله نه مقدار اولسایدر بومستله
محل محاربه نك قابلیتیه و خصمک نظام عسکر یسنه کوره جواب کتورر
یوقسه علا الاطلاق بر تعداد قبول ایتمز "تارلر و اشارت ایتمک بکن بعض
دولترک سواریسی بالجمله لشکرک نصفندن زیاده ایدی اسکی اتله لولرک
سواریسی لشکرک عشری مقداری ایدی اسکندر اکبرک سواریسی سبع
و برنجی ناپولیونک فی ۱۸۱۲ خمس و فی ۱۳ و ۱۴ ربع ایدی . شمیدیلرده
اکثر یا سدس سواری یا پارلر و فن حربده بک منتظم دولتر اووا و صحرالر
ایچون ثمن ایله عشر پیننده و طاغلق و دیپه لک محاربه اون ایکی ده بر ایله
یکرمی ده برار اسنده سواری تنظیم ایدیورلر

اشبو ۱۲۸۷ سنه سی دولت عثمانیه نك هر اردوسنده سواری درت الای در
برنجی الای «اژدر سواری» دیگر لری «صف سواری» تسمیه قنلور
لکن برنجی اوردوده چرکس سواری و قزاق سواری و دراغون الایلری

وارد فقط النجی اردو براذر ایله برصف سواری الیبرندن عبارت در
اژدرودراغون کله لری بری فارسی دیکری فرانسزجه ایکیسی برمناده
اولدیغندن بزم سواری سمیه سنده بشقه بشقه شی کی تفریقہ باعث اکلاشلار
اشبو ۱۸۷۰ میلادی اغستوس ده (جادی اولی ۱۲۸۷) فرانسه ایله
پروسیا محاربه سنده چوق ایشه یارایان سواری اوروپا لسانلرنده اوھلان
دیدکلی پروسیا آلموسی ایدی که بو آتلولر اسکی تاتار و ترک اتلوسی
اصولنده در حتی شو « اوھلان » اسمی ترکیه اوھلان کله سنلن محرف در

آتلوقرنجه * قرنجه لردن ایری وچایق قوشان نوع در (قرنجه کله سنه)

آتلوقرنجه * جناسیتی او یونلرندن ، بر دیره کی تام وسطندن برقازیق
دپه سنه یرلشدیر لر دیره کک براوجنه بر کپسه و دیگر اوچنه بری قازنی
اوسته خوب ایاقله بری دپه رک دوزلر

TDV İSAM
Kütüphanesi Arşivi
No 2E.833

آت میدانی * استانبولده شمعی سلطان احمد میدانی در اسکی
قسطنطنیه قرالرندن « سور » (جل وزنده) باشلامش وقسطنطنین
اکال ایش در آت قوشوسی او یوننه مخصوص روما سرقی رسمنده
یالیشیدی (سرق کله سنه) اولوقت بومیدانک طولی ۱۳۲۰ وعرضی ۲۷۰
قدم ایش اوراده قصر قرالی و دیکلی طاشلر و ارایدی که حالا بعضیسی
باقی در ازان جمله ۲۰ متر ارتفاعنده مصر خطوطیله دیکلی طاش
موجود در که « اسکی تؤذوس » دیکشیدی (دیکلی طاش کله سنه)

آت یاریشی * قدیم و حالا موجود مسابقه خیل در اسکی دن استانبولده کی
آت میدانی بو یاریش ایچون ایدی اودا اثره بی درت نعله یدی کره
طولا شورلردی فقط اسکی ات یاریش یله شم دیکلی مقصدجه مختلف در

شویله که قدما نك بو یاریشدن مراد لری انجیلک وآت اوزرنده جسارتیه
ایمان ایدی شمعی اوره یالیرک مقصدی آت اجناسی اصلاحه تشویق در
انکلیرلرده بومسابقه غایت اعتنا اوانور فن مخصوص اولمش حتی تربیه
ملیه اقسامنده داخل در اوروپانک دیکر مملکتلرنده اوسریا و المانیاده
دخی مرعی ومصرده دخی موجود در فرانسه ده اون در دخی لویی
(۱۷۸۰) یایدیسه ده اکلنجه قیلندن فالشیدی برنجی ناپولون (۱۸۰۷)
قاعده اوزره ترتیب وتنظیم ایتشیدی شمعی حکومت نظارت و معرفتیه
اجراء اولنور اجر اولنان یرلرده تشویق ایچون بیوک مکافاتلر توزیع ایدیلور

آت صاحبنه کوره اش * آت بیجی طانور * آت آلان اسکی داری آتیدی
آتلوقرن دن یا بالیق ایودردیر لریسه اینلجه * آتی نهالر لر کن توسیغه ایاغنی
قالدیرمش * بخشیش آتک تیشنه باقیماز * آتلر تپیشور آرلقیده اشک اولور
آت اتی کچمک نه ایدی کپرو دن طلی بشمیه ایدی * آت اوستن دن اورداق
بیچلمز * آت دن دوشن اولنر اشکدن دوشن اولور * اوچ کونلک بیایسلکی وار
قرق بیلاق آت کورهمسی قارشدیرر * آتلی یا نانک حالندن نه ییلور *
آت تعیر یله ضرور امثالین در .

آت باشی برابر * ات صبر تیده بیومش * کنایاتندن در

* آتلبک *

سلاطین سلجوقیه دن بعضیلری امرادن مقبوللرینی اولادلر
ینک تربیه سنه تعیین ایدوب و میرخوندک تعریفنه کوره شهرزاده کانی امرای
اطراف نزدیکه کوندروب او امرایه اتلبک تلقیب ایلدیلر . که بابابک
ویک بابا و بابا ات مضاف سنه .

آتالق * قهرمان نلغی دولتنده سلجوقیلره تقلید ایتلبک رتبه سی ایدی .
ترکرلر دن سلجوقیلر ده اتلبک و خانلرده اتالق رتبه سی عثمانلی تک عظمتدن
می درنه در « لالاق » اولدی اتلبک مقامنده « لالا » دینور ایدی که مؤخر ا

بورتبه صدارت یعنی رئیس وکالات اولدی ودها صکره لری
سلاطین عثمانیه بالذات محاربه به حاضر اولایوب آیروجه صدراعظمی
سردارلقله ارساللرنده حربده یارارلق ایدنلرک مکافاتنی تسریع
واتخاذ تدابیرده عدم فوت فرصت حکمته مبنی سرداره وکالت مطلقه
ویریلوردی اشته بورادن ازارق شمسی سفرده و حضرده « وکالت
مطلقه » دیندی و اولدی

اتابکاندن نیچه لری تفرده و استقلال ایدوب حکومت و سلطنت سوردیله
مورخین بونلری درت شعبه به تقسیم ایله اتابکان موصل و اتابکان
فارس (سلغریه) و اتابکان آذربایجان و اتابکان لرستان
عنوانلریله ذکر ایلدیله .

اتابکانه دائریازلش تواریخ مختلف و صحتدن عاری اولوب تحقیقه
محتاج در میرخوندک روضه الصفا سندن (جلد رابع کفتار در قضایای
اتابکان و چگونگی احوال ایشان) اکلاشیلان شودر

نفر	ظهور	انقراض	اتابکان موصل
۱۰	سنه	سنه	
	۵۲۲		
نفر	ظهور	انقراض	اتابکان آذربایجان
۵			
نفر	ظهور	انقراض	اتابکان فارس
۹	سنه	سنه	
	۵۴۴	۶۸۶	
نفر	ظهور	انقراض	اتابکان لرستان
۹	سنه	سنه	
		۷۴۰	

کاتب چلبی به کوره (تقویم التواریخ) اتابکان شعبه لری و عدد ملوک

تواریخ شویله در

بنی آقسنقر

(اتابکان موصل)

نفر	ظهور	انقراض	مدت
۱۵	سنه	سنه	سنه
	۴۰۸	۶۳۰	۱۵۰

(۲۲۲)

بنی ایلدکز

(اتابکان آذربایجان)

نفر	ظهور	انقراض	مدت
۵	سنه	سنه	سنه
	۵۴۰	۶۲۲	۸۲

سلغریان

(اتابکان فارس)

نفر	ظهور	انقراض	مدت
۱۱	سنه	سنه	سنه
	۵۴۲	۶۶۱	۱۱۹

اتابکان بزرگ

(اتابکان لرستان)

نفر	ظهور	انقراض	مدت
۸	سنه	سنه	سنه
	۵۴۵	۷۰۰	۱۱۹

(۱۵۵)

اتابکان کوچک

(در لرستان کوچک)

نفر	ظهور	انقراض	مدت
۱۱	ظهور	انقراض	مدت
	۶۲۱	۶۹۳	۷۲

تقویم التواریخک تواریخ مدتلزنده اولان خطاء غالباً سهو ترتیب طبع اولندیغندن پیرکیلا ایچینده تصحیح اولندی .

اورویالی مورخلرک ضبطلرینه کوره اتابکان تواریخی شویله در

۱ اتابکان عراق من ۵۲۱ الی ۶۱۵

۲ اتابکان آذربایجان من ۵۶۵ - ۶۲۲

۳ اتابکان فارس من ۵۴۳ - ۶۶۳

۴ اتابکان لرستان الی ۷۱۹

TDV İSAM

Kütüphanesi Arşivi

No 2E.839

شمسی یه دک بولنان اتابکان مسکوکاتی تحری ایتدیگمرده مذکور تاریخلردن هیچ برینه اعتماد اولمیه جفی ظاهر اولور مثلاً اتابکان موصل که بنی اقسنقر بدرالدین لولویلیله ختام بولدی تقویمه کوره فی ۶۳۰ اورویالیله کوره فی ۶۱۵ حالبوکه بدرالدین لولونک برسکه سی بولندی که فی سنه ۶۵۶ ضرب اولندیغی اوززنده محرردر .

اتابکان مسکوکات عتیقه سی تحری ایدرکن مورخین ترک و فرسه معلوم اولیان براتلک ده ظاهر اولدی شودر که قاهره مسعود ابن ارسلان شاه دن صکره بدرالدین لولو مضبوط تواریخ در حالبوکه بری ۶۲۰ دیکری ۶۲۳ تاریخلی ایکی سکه بولندی که ایچینده ناصرالدین محمود بن قاهره اسمی واردر

لولو سکه لرندن کاسکی بولنان ۶۴۷ تاریخلی اولوب قاهره مسعود ایسه فی ۶۰۷ یا ۸۱۰ وفات ایتدیگندن ایکی تاریخ پینده یکری سال قدر وقت مورخینه محمول قالش دیمک در وبالجمله اتابکان مسکوکاتنه نظراً مضبوط کتب اولان تواریخی تصحیحه محتاج در نه چاره که بوکونه دک معلوم اولان مسکوکات بر مکمل اتابکان تواریخی یازمغه کفایت ایده جک مرتبه لرده دکل .

رسیده نظر عاجزی اولان مسکوکات اتابکان ده محرر بولنان تاریخلری

بروجه زریقید ایدیم بوسکه لرک اوزلر زنده ضرب خانه لری موصل ده اولدیغی محرردر بعضیلری که بشقه محله کسلس بر اشارت ایدرز اتابکان موصل

(عمادالدین زنگی ابن اقسنقر که سلطان محمود بن محمد بن ملک شاه سلجوقی امر اسندن ایکن ولایت عراق شهنه سی نصب اولندی و ایرتسی سنه صاحب موصل وفاتنده موصل والیکی علاوه منصب ایلدی بو قدرت الله کچر کدن صکره تسلط ایلدی اجال تاریخی شودر

سنه

۵۲۱ عراق شهنه لکی

۵۲۲ موصل والیکی و حلبی ضبطی و استقلالی

۵۲۴ شامه مسلط اولان فرنکلری بوزدیغی

۵۲۹ دمشق محاصره سی و اکثر ولایات شامه استیلانی

۵۳۴ ایکنجی محاصره دمشق و ضبط دیار بکر و کردستان

۵۴۴ بعض غلاملری طرفندن قتل اولندیغی اتابکان موصلک برنجیسی

بو عماد زنگی ابن اقسنقر اولدیغندن بوشعبه اتابکان علی الاطلاق « بنی اقسنقر » عنوانیله ذکر اولنه کلیدیلر شمسی یه دک بونک سکه سی کورلدی

تاریخ سکه

سنه

۵۴۰ نورالدین محمود بن زنگی (حلب)

میرخوند بازار که « زنگی نک » ۵۴۴ شهادتندن صکره اوغلی نورالدین محمود حلب و حص و جا و مضافاتنه مستولی اولدی « حالبوکه نورالدینک ۵۴۰ تاریخلی حلب ده مضروب سکه سی وار

۵۵۰ قطب الدین مودود بن زنگی برادری نورالدین رأیسه دیار بکر

و جزیره ده حکومت ایتشیدی . اقدبحه برادری سیف الدین بن

زنکی نورالدین تصویریله اورالری ضبط ایلشیدی و فائیده
قطب الدین آنک مقامنه یکدی و سکه کسدی شوقید اولنسان
تاریخی سکه آنک در زده ضرب اولندیغی محرر دکلسده
جزیره ده ضرب اولتیق لازم کله جکی مقامندن و خلفی اوغلی
سیف الدین سکه سندن مستفاددر برادری سیف الدین
سکه سی کورلیدی

سیف الدین غازی بن مودود بن زنکی ۵۶۸

دیگر بوتاریخی ایکی سکه سی ضرب بالجزیره ۵۷۵

الملك الصالح اسماعیل بن نورالدین محمود مورخین و کذا میرخوند ۵۷۱

بونک اسمنی صالح ظن ایتدیله حالبوکه ملک صالح لقبی اولوب

اسمی اسماعیل ایدوکی سکه سنده او قونمغله تصحیح اولندی

بونک ایکی سکه سی کورلیدی ایکیسی دخی ۵۸۱ تاریخی

ایسه ده بری حازه دیکری حلب ده مضروب

عزالدین مسعود ابن مودود ۵۷۶

نورالدین ارسلان شاه ابن مسعود ۵۹۴

قاهر مسعود ابن ارسلان شاه ۶۰۷

ناصرالدین محمود ابن قاهر ۶۲۰

دیگر سکه سی ۶۲۳

بدرالدین لولو ۶۲۷

دیگر سکه سی ۶۳۱

تاریخی برالتون سکه سی ۶۵۰

دیگر باقر ۶۵۶

وسکه لرك هپسی باقر • بونلردن بشقه اتابکان سکه لرندن

اوچ سکه دهها معلوم که شونلردن